






1390



秋澗先生大全文集

一五






秋澗先生大全文集卷第五十五

碑

大元國趙州創建故開府儀同三司中書
右丞相贈太尉忠武史公祠堂碑銘并序

自昔以功德而獲大任既沒而饗常祀者鮮矣况
匹夫匹婦之心者哉如武侯卒而蜀人祭於梁
去則魏土廟而食寥寥千載幾何人斯若大元郡趙
相師表百辟各節獨著薨謝之日葬加賜銘士
無異議民有報祀而得衆心之同然者今於忠武史
公見之公肇自

太宗朝襲世爵付以全趙四十
而公宿兵陽夏歲例歸眎師每過趙遲遲而



郡南離兵燼經涂南北環視千里間

生意公憫其如是必為察民情之

賦役偏而不均獄訟寃而且滯

即為彼有害於政也立與之

輶之求索自貶威重告語約束

與除寬假之力又有大過人者

白衣經會塲七縣間不逞

蠟聚伺味嘯兇約屠城資

期竊發適公歸至郡有以

之萌無亂之形處之為最

趣其變公外示閑暇覘黨魁所任

不意掩捕獲焉之具服示所

告屬邑曰渠率已殲餘不一究以安反側趙人遂安

迨壬寅歲詔作立甲時歲荒民移排抽戶推事竟

推不滿者三十數有司以狀白公曰業無所於取缺

之以需可也守吏以軍興嚴喘喘不敢諾公曰以民

困故非敢私脫有悞責我任不汝及也始紀後乃如

約不數年保障体息恒襄間熙熙然一樂國也公薨

後十五年前蘭溪薄郡人李瑛熹義重報貞而有幹

為一日謂趙之父老曰吾儕小人樂有家室得至今

日者可不知其所自斯皆忠武公恩造骨而肉之之

德也終無以圖報將死有餘負惟是起祠奉祀庶疇

萬一衆曰諾遂相與協力作新廟於郡城西里迄三

載廟成神栖像設翼翼有儼凡用錢三千七百餘緡

已而州貳政脩人賈英嘗屬繫韉左右公覩其若爾
感念疇昔曰丕厥構則罔及迺以樹碑頌德爲已任
以某知公平生頗詳不千里遠請書其事於石某以
下吏故有不敢多讓者因勉爲次系之公諱某燕之
永清人姿忠亮謹畏以度量雄天下歷事四朝入則
坐廟堂出則分閫寄者五十年當其臨大事決大議
夷大難不動聲色卒之收尊主庇民之功此天下
所共知茲不復云頌惟治趙之績在公雖一事惟其
恩造之功至故能感民心也深化強梗而爲善良場
慷慨而爲忠厚以致其生也如父母戴之其沒則以
神明事焉嗚呼休哉人稱至人死以氣之精大賢
不亾得氣之英公英爽在上其眷戀於趙人也審矣

仍作歌詩遺之俾歲時虔饗以侑肴意椒漿之薦其
詞曰

常山鬱兮蒼蒼陣堂堂兮公則亡趙之封兮四開風
雲慘兮漢故臺望公不來兮莫知我哀公精英兮弗
昧山川開闔兮不隨以晦公不忘兮德在民思之在
心兮其存則目存之目兮思則固廟而顏之兮其以
故招公來格兮歆嚴裡颯冷颯兮雲祈紛愴光靈兮
愈於生存福我兮孔那驅癘疫兮辟妖訛風時雨若
兮歲時和民報祀兮心乎靡佗坎坎擊鼓兮舞僎僎
饗有着烝兮登有歌麗碑峨嵯兮永言不磨

大元故懷遠大將軍萬戶唐公死事碑銘

并序

天下有馱戰之士拳勇絕人捐軀徇國雖一時之短其義烈言言超千人而挺生奮百世而獨存者誰乎南陽唐公其人也公諱琮世居內鄉縣浙川之白亭伯祖諱臯金季以鄉豪署峽口鎮將父諱慶仕亡宋用邊功起身自保義郎京西副將累遷至左領軍上將軍諸軍統制歸附 皇元後終江淮軍民安撫使唯襄鄧自昔爲用武地唐氏世鍾材武繼領韜鈴剛毅奮發馳聲疆場稱山南名將家公軀幹魁傑而善於騎射黝色鷹視氣吐鍾鎡然擐帶橫槊出入行陣間人愕而聳之至元十三年襲父爵授武略將軍管軍把明年丁丑轉武德復安撫使仍佩金符十六年勞績進階宣武授金虎符管軍總管十八年陞懷

遠大將軍萬夫長二十年改授唐州軍府萬戶二十五年移鎮泉道屯駐春陵時安南保叢亦域負固不庭聖上赫怒詔諸道兵以討之公到鎮甫二旬而檄至即閱數軍實申嚴節制明日大譙郡僚叙別或以期遠緩發爲言公曰不可征討 國家重事忠勤臣子大節况吾家三世迭將迨不肖之身分符額闡備具爪牙

恩寵深厚思畢力邊陲以暢

天子威命則死之日猶生之年也尚敢以碩忌爲計哉詰旦啓行旗旆精明鼓角清亮識者壯之遂會諸將屯靖海境谿嶺湍嶮艱於馳逐北兵不習地里與鱗介爭利於舟楫叢薄間已非所長加以瘴癘流毒

海颶騰炎吏士觸冒疾疫者過半躬自撫視左體右劑恩義備至若父兄之於子弟致人人感激思奮島夷幸我師不利乘便突出逞犇肆凶次年己丑三月大戰于鹽場之三江口公率衆先入所嚮披靡賊兵衆開而復合者數四致麾下散失公力戰手刺數十人以沒得年四十有九計聞部曲至封股肉致祭朝廷爲嗟惜之公天資雄峻沉鷲有將略號令精明拊循有素期於恩威兼濟當戰陣際奪勇懾敵不自顧藉有古烈士風槩故所向克捷自筮仕不十年正位帥閩平居與人交氣怡辟溫謙恭惟謹未嘗以色待物人視之儒素也其死生義利胸中權衡素定決非奮不慮死徼取美名者嗚呼忠義天下之大閑志

士仁人終始一致雖顛崙公不吾壓也豈以暫不幸而墮吾名節哉王者推而褒之所以砥礪多士窒不軌也故周崇死政漢寵死事然皆有等級次序俱未若皇元即以父祖之爵祿昇其子孫有崇無降其報卹激勸之典視前代爲重公可謂得死所矣夫人李氏亦內鄉大家資度純懿克媿公德孝以奉舅姑慈以鞠幼稚生三子一女孟曰世忠仲曰世英季曰和尚孫二長靈童次保保世忠子也世忠嗣奉世爵往奠舊服追忠思孝因替箕裘奉公衣冠葬襄陽穀城縣鳳谿鄉丙山先塋之以起祠墓前歲時享獻庸展哀慰復念非假辭紀績曷以垂鴻無窮儻得書太史氏則先業爲不朽矣遂介祕書監丞申敬載拜來請某

以忠君孝親係風化所在有不獲諱者輒論列而係之以銘其諱曰

武當西來萬馬驤

漢水東注為滄浪

鳳谿之里穀伯邦

盤盤沃野開荆襄

丙山衣冠唐所藏

維茲唐侯百夫防

佩服義烈南方強

三世崛起參戎行

幢牙茸燾金節煌

王常鐵石我所將

維南有交代用張

一軍來成心靡遑

萬甲夜卷趨敵場

桓桓不憚天戈攘

誓此一去批其亢

春陵宴訣何琅琅

山谿失勢臣分當

鮫鱷肆毒紛蜂螳

落落銅柱鷹孤揚

海霧翻瘴霾三江

奄奄戰鼓聲則鏗

一憤不抹千夫僵

蛟匣零亂劔有光

臣維有賈甘自戕

一日之短百世長

恨以鱗介易我裳

義存義亡臣鄭昌

勝負况復兵家常

卹典昭報恩澤霽

嗣侯孝思示不忘

葵而從祖饗有堂

巫陽下招為悲傷

羈棲胡為滯此荒

魂兮歸來安故鄉

牲牲肥腴羅酒漿

部曲儼侍備兩廂

鼗鼓鏡鐸聲鏗鏘

子孫歲時供蒸嘗

銀鉤翠琰勒我章

忠傳孝繼瀕大決

陵遷谷變事巨量

英聲載世永不亡

順德路同知寶坻董氏先德碑銘有序

至元十七年奉議大夫盧越監使司提舉董侯孝良以規辦功最陞授朝列大夫同知順德路總管府事自惟材疎能謫何以臻此茲蓋祖禰積德彙行涵濡慶澤所從徠遠矣惟是斷銘樂石光貴松梓庶克信適追仰報罔極廼介府幕陳從慶贄禮幣百拜先塋碑爲請承乏燕南以明新是任惟孝與義世大經今猥來屬筆有不當辭者謹按所具事狀董氏世居燕之武清縣南仁佛里金大定十二年改新倉鎮作縣故今爲寶坻人曾祖以農爲業代遠偶逸名諱生三子曰永進曰仲仁曰藥是仲既蕃孝愛曰篤以貴雄一鄉永進娶彭氏女實生寶溢府君諱柔蓋侯之皇考也府君行孝廉善居室一介不妄取與

諸人里中以善人稱之二親嘗卧疾治療罔効府君曰嘗聞人之肌肉可愈困瘵於是默割般肉雜它進之服之果良愈既而父目病幾於凝盲府君又以舌日舐其睛無幾頓還舊觀邑里稱嘆以爲孝感所致云嘗以事之保暮行通衢間斲得白金一巨餅幣百餘緡詰旦持坐獲所候求訪者失主至物色不妄即付之至於牟子錢貧不克償者率折其券貸自是孝廉之名軒著燕保間當途者聞之以謂不苟於得可以臨財厲俗用薦櫟充保定務商權次寶溢塌監支納益用心稱物極平施之方公私俱有賴焉至元十三年以疾考終牖下享年七十有八董氏其三代皆寔寶坻故塋至公始徙家武清之大

沽遂改卜聚落之南原是爲武清新任孺人蘇氏信
都大家事舅姑主內務以孝婉聞生子男三人孝義
孝溫孝良太君資藉訓迪納規矩中者居多故母儀
婦道宗族取法焉今年九十有四起居飲食精健如
五六十人孝義有融德不樂仕宦二子長曰順管勾
鹽場事次愛孫孝溫醇謹有幹局充鹽使司判官三
子和張驢昌孫和任監當官和之子八十買住孝良
孝友純至幼習司空城旦書及長兼通國朝語嘗
給事貴近以材果管勾三汭沽鹽官事至元十年秋
大霖三汭被浸亭戶例狼藉阻饑侯致郵申明上官
發廩米四千餘石侯乃計口均給民免菜色水退侯
謔度原隰終復爲患議戶抽一推起土璋場請於上

允焉明年水果至無所虞矣以能陞本場鹽司大使
仍佩金符以寵異之先是歷年牢盆錢不計成鹽多
寡即驗丁全給致本耗而課不充後復給與不時課
不辦而卒日困侯白所司革焉遂驗亭戶煎數在官
仍半給之復需其畢運爲足其所當付至曩之倚而
未頒者仍皆爲畀之至今遵行官卒兩稱其便十三
年亭戶乏哺無可於糴侯以鬻造孔棘恐軼歲辦出
私廩二百餘石稟食之未嘗更其費十四年用薦敏
授宣命官奉訓大夫尋陞奉議兼提舉蘆越鹽司
事十七年以鈞幹有方程辦饒羨績前後勞遷授今
職侯以民社重寄非財賦可擬宣力有加焉子三人
長曰革中書省宣使次安住次海山鐵哥初寶溢府

君割股肉以致親和厥後府君泊太夫人蘇氏在疾
子孝溫及侯與室劉氏亦踵而行之由是鄉里論篤
孝者以董氏為稱首嗚呼孝者人子至行揚名顯親
之大致也然代以孝名者非一若休徵之剖冰求鯉
孟宗之泣林取筍李進蓮藥而病即瘳盛彥慟哭而
明復故今董氏之刻肌而愈親疾可謂情迫孝至殊
途而同歸者也詩曰孝子不匱永錫爾類其是之謂
歟至慶流胤裔移理於官宜矣後之來者復能致竭
兩間以極忠厚孝廉之美將見董氏福祿淵流而未
央也是宜銘銘曰

暨暨董氏 起家幽墟 繫曾祖君
是生三珠 孝廉溫潔 王瑩不俞

我屋豐潤 爾焉德劬 維寶溢君

乃皇厥圖 一廉厲俗 致身仕途

我幹我均 我摧我酷 人勉不足

我恆有餘 夫孝何居 曰父母且

病則致憂 已何暇虞 越惟親安

其樂愉愉 要以情至 同歸途殊

錫我胤類 德宜不孤 篤生賢孝

高大門閭 連城具贍 有儼倅車

顯親揚名 實由懿模 適追圖報

於焉是需 岌峙豐碑 螭首龜趺

丐我銘章 大書特書 幽陵蒼蒼

渾流徐徐 照映鄉梓 永示德隅

故提刑按察簽事劉公墓碑銘并序

奉議大夫提刑按察簽事劉公既寔之明歲其子感然以追遠之志來諭曰孤不失先君勤龜王事期顯歷半道傾推俾任重致遠之舉同克攸盡在墓終養之榮曾弗少及不孝之夫無足言者維是刻銘麗石表見墓道庶不朽而為新隴光幸憲使憫焉惟曩嘗與公翱翔中書有聯事之雅以分以義有不敢為亡友靳者謹按事狀公諱濟字巨川其先真定行唐人世在野大父△佃儻尚氣為鄉曲所重考信方直有父風以植產致富心存樂施貞祐兵避地陳穎間散財濟衆人多傾赴正大末所在游騎充兵令民團結相保衆推公充鄉義兵都統已而歿于事

公信之彖嗣也自撓角姿嚴恪不知為兒嬉及長明吏事時趙人董珎者來領魏郡材公為即署府從事民政軍務多所裨益中統建號■省府立擢賢舉能以恢廓宏綱為亟路辟公應選遂補省左曹掾四年間精覈吏務氣明而事辦然所期攸邈有不屑為者尋除貳上都糧料使會當估平致太庾京積已而充中書磨勘官真定郭文進者撫白肖二人毒殺其父歲久莫決府以疑獄聞命公往讞既至按覆簿牘推察物情不終日而虛實兩判鎮人稱其明朝官嘉之至元七年勅授承直即太原路總管府判官公不早小官思以行志惠吾民為念府東有山曰罕山每溝澮秋泛害及閔坊公廼度原隰相水衝以事宜從上

官議可焉衆欣就役自山南抵汾壩鑿渠余十里以
醜水勢自是漂沒患絕且慨傍田數百頃其興利除
害類如是明年夏六月大旱步禱列石龍祠應焉秋
賴以熟九年陞授奉訓大夫知獻州事既下車囚繫
填狴犴間公歎曰盡心之戒當於焉是圖遂裁遣劄
折九五日牢戶爲一空然後束吏以法拊民以寬慮
科調之不均也爲等第之恐田疇之未治也爲勸劭
之新州治以具視瞻崇儒學以敦教本內外釐補井
井有條其孝悌任卹之化風偃海濱矣迄今民思不
忘秩滿憲司廉其能遷奉議大夫簽書燕南河北道
提刑按察司事十六年四月竟以勤事致疾既乃終
于位享年六十有四夫人程氏魏大家配公德良紱

前四年卒即其歲九月十九日祔大名賢

由盆里繁水之陰宅新兆也二子珪玘今珪亦官
直郎大名路總管府判官性純孝從政幹果玘歷管
庫甚愿女三人伯適趙郡武氏仲從鄒氏季徐氏公
資明辯遇事風生不肯陸陸一事落人後故所至卒
有聲其孝義出天性固然初調并梁兵西接膺臆事
集帳望南雲泣焉興感曰母氏殯陳四十年不即卒
大事儻溘先朝露月其能瞑耶乃於介使告其所以
然諾焉馳至陳求訪叢壤問罔知誰何因顛天行泣
俄得劉叟者示其處下挿驗所誌物是夕寤寐中
有以呵之者曰汝母何疑當收之速去即是年冬十
月歸葬行唐縣甘泉鄉七里烽之先塋禮也傳稱古

人行役云遠必思念其親以篤孝養若公斯舉何思
遑將其母故又鄉豪董君死葬瘞陶碑石卧荒壠間
身後貧不克剴樹公按部過趙為求銘表墓以報知
已其風義肖上世又如比是宜銘銘曰

古評吏治 匪循即能 循傳而列

能或槩称 時有緩急 事方責成

珮玉長裾 艱於奉承 維材應變

其任乃勝 用或異宜 跌焉不興

暨暨劉公 才長氣弘 小試游刃

欽於發矟 擢列郎曹 風生臺閣

若不屑為 翩翩荷橐 一麾出守

殆古能吏 錯節蟠根 別夫利器

苟利吾氓 身弗遑暇 于今兩州

懷思無斁 維孝與義 為世儀軌

子箕而表 已濟厥美 歸息泉扃

神亦寧止 五鹿之野 白盆之里

沙麓茫茫 繁流瀾瀾 谷變陵遷

墓碑有崑

大都通州郭氏遷塋碑銘并序

孝子之愛其親也心無乎不至其始也盡惟心以致
其樂僮高爵以顯其宗又以安富尊榮歆其親以愜
其志望及其終也擇善地敞真宅樹豐碑彰遺嫛別
為再祖俾饗大宗不遷之祀越是心以為校者於尚
書郭君見其純且至焉郭氏世為通州路縣人曾祖

府君諱伯昌尚義有應劇才金季以勞授州之判官
方四郊多壘仍歲饑荒賴公力全活者衆民刻惠里
廟至今其石宛在金制官分嚴不敢絲髮侵上承下
辦惠鮮保障能尔其爲人可知已大父諱和字和之
資持重擇交而游經紀遠識殊與父肖貞祐初燕不
能國遂避地徙河南公奉從母楊挈弟姪至復還鄉
梓往返數千里間冒涉艱梗舉宗全慶竟不失舊物
是亦人所難能郭氏之有今日其祥實開於此公少
樂讀書長以吏業著稱且玄之與潞在昔爲轉漕淵
會見聞習熟故公於綱計爲詳壬辰歲詔立漕司
於燕明年癸巳中書粘合公辟公爲經歷官舊條新
制兼舉而行居無幾何民力大紓而廩儲崇積會計

出納允當詳明官無私焉至今論漕運者皆以公爲
稱首

國朝丁未公春秋五十有九卒官下祖妣孫氏出庶
之清門內助成家與公合德後公廿一年乙亥歲壽
八十終生二子長諱天珪字君寶次天瑞晦德不仕
棟華輝映樂怡怡也鄉里以善人歸之長即尚書君
考秉德清慎直諒多聞以世美繼爲漕幕從事爲人
樂易輕財好施雖指困解驂未嘗見難色樂從賢士
夫游延致禮待惟恐不盡又通五行書叩之者推明
倚伏率以戒辭爲言斯亦知命君子者歟惜乎年不
滿德仕未盡用至元改号夏四月廿四日以疾卒壽
止四十有七子秀生纔十四歲矣夫人張氏燕之名

家性真靜壹儀有光漕司府君既歿夫人持內事甚嚴家道昌宜內外宗屬入門升堂不覺其母子之互為資也享年七十有四終所居正寢實至元廿九年壬辰秋八月八日也秀字秀實姿善淑少以孝聞交於友以誠移於官則理儀觀魁偉臨事明敏有盼藉甫冠由總制院都事遷經歷官繼改都省左司員外郎尋就陞郎中已而授少中大夫禮部尚書今簽宣政院事君自惟起身刀筆不十年致位通顯德薄才菲將何以臻此茲非先世積善索慶光潛不耀一旦叢於不肖身者如此是用祗懼昊蒼罔極報德何從頤惟長城先壠歷年藪斧封馬鬣傍無所取宄故祖考叔父而下三樞皆未克大葬言念夔傷茲刺負背

乃改卜宛平縣張華里之北原墨食吉用三十年春二月壬寅以三品儀物封而樹之庶幾無乎不在之心少有遂焉既襄事百拜以墓碑來請幸內翰惠顧三讓求益懇予以孝子順孫顯揚慎追之義閔人倫風教者為最謹按善狀諾而銘銘曰

慶由善先順為福原惟積也厚其流則淵譬彼播植用其道而分所宜其根苗華實有不期然而然猗歟郭氏宗族嬋媿繁長城之故壠不知其幾世幾年堂封纍纍拱木蒼煙偏道冷而且陞無可宄而理必遷張華西里其平宛宛風水攸寧鬱焉新任哀哀送終棺衾華鮮祭以大夫有加鼎籩祔安神靈既厚且堅庶窀穸之下慰將寸心之少安孰無子孫焜耀聯翩

念得之而能竭力讓春官之孝賢刻吾銘而表神道
永以爲郭氏無窮之傳

大元故中順大夫徽州路總管兼管內勸
農事王公神道碑銘并序

上登極之二載詔以前泉州路總管中順王公作尹
於徽制下而公已卒士論慨嘆惜其備具文武才未
究於用也明年春正月嗣子謙持太史屬王德淵所
撰善狀百拜來請銘自惟識公始用情交終以義合
至元庚寅歲邂逅於歐閩後二年予入翰林公亦終
更來燕玉堂多暇日夕從游詡詡相得校夫三十年
間會晤雖數在京師爲最洽公今已矣銘其墓宜莫
予若公諱道字之問姓王氏其先爲京兆終南縣人

世將家公姿魁偉勇而多力幼讀儒書長喜武事飛
箠走檄尤翩翩也公既負器局挾藝能不肯碌碌居
人後間出大言押闔時事及作爲歌詩藻思甚壯激
昂頓挫以驚動一世謂將相無種功名可夙契致也
然干時貴近終無所合至元更化以剔民蠹清吏弊
爲亟公曰茲吾之時也迺走燕上書請置執法官如
是則吏畏政肅澤被於下政化可得而成六年憲臺
肇建遂辟充掾史公志在澄清一旦抱疇齷齪鳧進
論得失於簿領間耻於膺爲纜數月即拂衣而去適
朝家遴選文學士充東宮講書官用昭文竇公薦
得入侍經筵進讀際辭理敷暢間以時務意在互有
發明由是稔知爲奇士進見顧眎與餘人異欲大用

而有需也十三年江左平福建內附蠻夷悍輕易怨以變蛇豕焚焚血人于牙何所靳顧非大行臺填之不足以制內而撫外也故郎署官重其人方

裕宗皇帝參聽朝政迺選公充福建行省左右司郎中時柄用者專尚威猛不能導揚恩信慰安遠人九事之悖理政之官民及私意之所宿者公皆執而不行至面折力諍必理得事正而後已如宦族趙知府元輩六十三家閤居室潤誣與山賊通擬挺殺之意在籍沒掩利餘貲公抗言宋故官累詔恩卹今以昧曖一槩奴戮有傷朝廷好生之德止杖八人餘悉縱遣降將吊眼陳據漳州叛賊勢張甚招討潘力不支踰城走泉行省以失守罪縛出將戮焉公曰

招討秩三品有罪當稟於朝不可擅殺上官奴遣

督將二人率甲士環公曰字不同署罪當相及公乃具朝服望闕再拜曰省官不有朝廷脅我以兵

欲將何為吾寧與潘同死字不可得也彼莫能屈潘竟減死論其守正不屈類如此由是強橫氣褫善良攸賴閭閻至盡公像事之廿四年授中順大夫泉

州路總管兼府尹泉據南海津會豪僉吏商假權貴聲勢日凌輒請索紊大府紀綱牟取衆利公折以理拒以威輒落其機牙束手噤語而去公堂為肅然先時晉江之安溪土賊張大老方德龍躡聚畬洞無賴二萬餘人時出搶略為一方大患者幾三十年聞公至私相約束曰王老子來當謹避之勿輕出公為布

耳目設方略不月踰生擒賊酋卅三人悉榜殺泉市
餘衆賊散百姓爲之歌曰藥不瞑眩而疾祛非良醫
而誰乎兵不血刃而賊除非智士而誰乎其爲輿情
感悅可知矣在任凡四載代歸鄉里以營治先塋樹
植碑表爲務屢供具召親友燕衎爲樂若日不足者
家人亦訝其遽如許也元貞二年春二月十有二日
以疾終私居正寢享年七十葬維州北海縣樂泉里
金山原公強矯有守臨事敢言膽氣噴薄無所回撓
志在開布公誠砥礪名節表表有見於世孰謂勢利
可得而奪邪至於擿姦發伏不避持難又似夫漢王
尊之在東郡虞詡之治朝歌也奮身布衣起家至二
千石剛直之氣至老不衰其功業止斯而已此士論

所痛惜也遠祖金初以武功賜完顏氏世襲千戶官
至金吾衛上將軍曾祖諱虞卿大父諱從正歷隰州
太守父諱成皆嗣承世爵金亡復故姓仕

國朝任樂安縣令困家焉今爲廣固人公先娶孫氏
生子謙夫人年卅八卒繼室羅氏亦先公卒生二子
曰諒曰惠謙幼侍東宮才敏有時譽能政克家蔚
有父風今官奉訓大夫大司農少卿男孫四人謙之
子三曰元孫仲孫季孫諱之子一曰彥孫公平生著
述號雲門老人集苑千餘篇傳于家銘曰

繫王使君起海堧妙齡飛英振孤騫陳琳書檄何翩
翩一箭擬下聊城堅心惟嫉惡民瘼蠲驅逐鳥雀同
鷹鷂一行作吏非所便褰帷有志澄八埏封書直上

沃 帝淵太微執法光烟然 春宮嚮學開經筵一

日登對席為前顧公可試宜擢遷利器當遇蟠根宣

歐閩行臺兩廣連陽舒陰慘持化權幕非其人奚望

旂六十三家宋故官執之狂死何繁冤公為辨析皆

平反潘惟不支心則丹以死信理人所難維閩之南

大府泉昇公撫循面則嶺鋤雜強梗安惇鯨風颿踔

救教反

海魚龍翻萬貨山積來諸番晉江控扼實要關

勢取豪索非一端不動聲氣為周旋安溪有盜勢結

盤撞塘呼號動百千公然剽竊三十年為一郡患何


逆遭公來約束毋妄干老熊當道百獸跼一旦解刀

耕壟間溪山淡淡風日閑帥得其人人自安如君兩

除稱銜銓幕府坐嘯鳴化絃簡節疏目政猛寬四載

終更公孰賢王尊虞詡相後先千年神劍埋山原鬱
鬱夜氣生紫煙何以驗之石有鐫

秋澗先生大全文集卷第五十五




秋澗先生大全文集卷第五十六

碑

大元朝列大夫秘書監丞汴梁申氏先德
碑銘 并序

大德改號歲之六月越二日癸巳秘書監丞申君敬
先詣太史王某再拜而請曰惟申氏遠有世緒逮我
先人學紹醫傳心存道濟惠及一方雖遭罹世故譜
謀墜逸然自高曾而下班班可考而墓隧無銘神道
闕表予小子大懼先德曰遠恐泯昧將無以見於後
今粗有纂述俾昭示子孫以傳不朽者敢囑筆於下
執事以不敏辭者再請益堅乃爲論次之謹按申
氏世居汴梁曾祖諱天祿宋徽宗朝以嬰兒科供奉



內庭門以金斗為識當時稱揚鑿藝精全者有金斗
申氏之目宣和未避地家秦州社樹坪祖諱良輔早
以方伎知名西土祖妣馮俱壽終葬天水郡顯考府
君諱仲康字西叔資秉寬裕有長者風弱冠值金季
流寓陝醜間天兵下河南愛申裕間風土術決定謀
卜築以甲寅歲東徙今遂為南陽人府君世其業禁
方秘訣夙承指授復為該洽軒岐以來其書奧妙悉
精究其理學既博伎益工在醜不矜其能活人不期
其報過客病困逆旅及貧無資者家置病寮躬進湯
劑糜粥既平復量給路費以遣之遠迹注瞻以持德
兼稱如南陽富民孟氏夫婦府君以伎能起其死約
兼金乘為謝后恬然不為禮或者不平對府君詒之

曰鑿以濟物為任若貪圖貨利為心豈天生俞跗保
全天闕安羸劣之意哉子無復言客嘆服而退初府
君東徙聞盧氏守將堯里公賢而下士徃依焉草昧
際舉族賴保翼一夕宋寇掩至執堯里而去以不屈
遇害能耳嶺府君聞之糾合義勇者數十輩匍匐奔
赴求得其屍葬祭迄成禮兵後內外宗姻散失者眾
求訪不少置得姨之夫樵翁於申女叔於穰下既孤
且寡收養終其身平生行義類此甚夥今特書其顯
著者識者謂府君為善不迥於名尚義不謀其利躬
弗受祉後世其興乎以至元己巳歲季夏十有八日
考終牖下享年六十有七配宋氏系出京兆大家資
端重未嘗露嘻笑年既笄歸于我侍舅姑以孝敬聞

鞠育諸子極於勤苦後八年以疾棄養壽七十一祔
 葬南陽縣東泓河之右薛家里子男六人曰政嘗監
 郡酒稅曰整河渠使曰敬即敬先曰教早世曰敏江
 陵路鑿籍提舉敬先性資醇裕鑿學明敏切脉審用
 藥精至元六年選充太醫
 世祖皇帝巡幸兩都北狩東征典司藥石皆侍其行
 嘗於御前修製湯劑品藻藥性敷奏有條理
 上顧而喜曰汝身雖小口甚辨博又救治 元妃疾
 獲良愈蒙賜玉鞶帶白金有差至元廿七年由御藥
 院使陞受朝列大夫選承秘書省推宿勞而從公論也
 自昔銓衡經制以方伎進者雖有殊勤不轉文武正
 班敬先讀書勵行有士君子之操故膺是除由是知

楊歷清要光顯於親者越茲伊肇敢以府君之積
 起宗敬先之肯搆克荷者而銘之銘曰

醫師之良

本天恒德

挾藝時行

心貴專一

其視患者

罔有莫適

一盡我誠

庸表休揚

顯允申公

秉茲良直

四世三朝

職司疾疾

神砭易形

靈丸起廢

藥惠一方

心深道劑

羸劣獲安

烟我風義

活人活國

是迺仁術

陰積孔多

陽報斯必

篤生六子

孝實良器

大我鑿門

學稱善繼

藥籠流光

馨融

帝室

六脉和平

聖躬福謚

三十年間

祇勤厥職

維皇念功

寵數優特

遣名仙瀛

圖書東壁

紆紫腰金

揚休山立

匪汝是私

良用勸激

蒼煙故里

光賁丘石

刻我銘章

有煌申國

獨山鬱茂

白波蕩瀟

山川鴻濛

慶鍾來息

子孫振振

垂裕同極

大元故奉議大夫中書兵部郎中韓君墓

碑銘并序

亡友奉議韓君之子冲既禫來謂心焉愴慕有慘而未安者乃出所壯父行曰孤不天先人蚤世平時所

期者遠大披其所有以前而車傾半道念所銜曷祛

惟是發越潛德使表見於後庶存歿少有攸慰公與

家府文敬而知為詳敢百拜以墓碑為請予以義以

分有不能辭者遂追叙而併銘之君諱天麟字伯昌

姓韓氏世為漁陽上谷人父務為人長厚儀觀秀偉

少應武舉金季嘗以勞任慶陽府同錄判官母王氏

誕昆季四人以次君為第三母以克肖故尤所鍾愛

長業法家學即能鬻然見頭角於輩行問師以能稱

之及為郡法曹獄無大小悉心極慮必盡彼辭情而

後已時有楊參軍者詐冒兵諸公易市戶事覺朝

遣官來鞠逮捕者數百家弊積有年不易措手知君

幹蠱摘之倚辨揚既寤感無可得主者悉取償糶家

價從時重君曰不可盜糧者已有主名百姓初不預
知今從坐配償已是虛負取價合准出倉時估不然
將有破產不勝其弊者上官從之衆得以輕脫至元
二年辟充懷孟路從事四年勾補中書左三部令史
八年由考工轉御史臺有訴民自關陝來未經有司
者議不受君執之田民豈不知此顧臺憲爲重因而
拒之將無所控告罪彼越暮理其寃抑可也事多解
釋以能遷吏禮部員外郎遂建言隨朝掾史已有出
職定例外路吏資亦當與議使至公均被准其事行
焉未幾遷奉訓大夫出爲瑞州路別駕俄超授奉議
大夫常德路宣課都提舉先是亡宋稅場濫收奇零
等課名類甚多君檢其擾曰生財有源初不在此使

到官者確之有法所獲多矣於是六色正額外一切
蠲去常人稱悅及比附上額羨果倍徙時方夏官徵
民負租追呼鞭扑急於星火君就府僚與議曰今新
陳未接人餬口不給兼積欠數多非一朝可辦急則
必倍息取貸或易及男女若爾是富益巨室怨歸公
家非特於征商有所悞也稍俟秋成徵之未晚用是
以停征八番大軍道鼎民被騷甚且沮恢辦有司噤
不敢誰何君詣行闡陳說主將喜爲約束之市肆賴
以帖其乘機應變輸誠濟物多類此政藉甚而課寂
省臺交章薦入授奉議大夫中書兵部郎中尋被檄
檢覈河漕回次濟之劉家渡以暴疾卒實二十二年
乙酉歲八月七日也享年五十有九以是年十一月

壬午葬郡西南親仁鄉康公里家塋慶陽府君墓右
從溝也君氣志明辯有幹局善當官好持論往往
出人意表其起身立事不資藉昆弟趾踵跡人後氣
之所克力取必至卓然自見於用者蓋天性然初韓
氏北故后居衛生事微父俾之經商薛焉口從政固
所願也及顯達分所有資悉推讓不一毫取鄉黨義
之又患難解紛樂與人爲善教子讀書惟恐其不至
配孺人梁氏元帥瑀之長女生子二人曰冲從事郎
太平經歷曰中御史臺令史繼志治家大克播構
曰燕梅童皆庶出四女已適名族者二二未笄銘
曰維天生材畀世作程吏以事主尤資者能理具
氣先氣廼形倬彼韓卿氣志遙闊揚歷臺閣外處

中朔初轉栢府樂夫有行庶單厥心豈惟祥刑彼良
而俘是大僇辱千里求哀情其可恤人以法辭我爲
理出不以其嫌竟直彼屈天秩有庸曾聞內外由我
一言至公均被財生多源取自有體筭及履簞徒擾
而已以正以公所獲多矣倚嗟韓卿用固強矯年不
志充宜若可悼我思古人云誰盡了圖維不朽君亦
少慰子孝而賢仕涂方軌振厲光揚儘濟厥美尚餘
幽光樹石表隧揭我銘詩永勗來裔

平陽程氏先塋碑銘

南陽府倅程君瑞不肖里閭都司趙公倩也故與定
交最早知行已頗詳爲人愷朗誠直勁挺尚義而遇
事開談洞見肺腑伸吾志而已而利而害初不計卹

由是振觸物論與時齟齬然識者以跡施不羈許之
與君契闊者餘二十載大德改號之春自武定終更
來京師僕方忝長翰林樽酒叙舊英邁之氣猶夙昔
也既而來請曰瑞始以孤童子入侍諫 昔刺謀大
子帳下逮事

定宗 憲宗時朝廷遠駐朔漠屢奉命使襄漢間為
互市官歲已未廬

世祖皇帝飛渡鄂渚戮力與宋兵戰有功蒙賜銀幣
有差及 上登極選備膳夫 車駕巡幸兩都征伐
宴犒割烹供辦蓋三十年于茲中間以軍國係重越
分肆直忤犯權倖致之縲紲瀕於不測者屢矣以辭
氣侃侃事竟實無佗幸不死朝貴多其挺志弗撓奏

受忠顯校尉尚食局使又七場寒暑積前後勞官武
畧將軍出知奉聖州今調同知南陽府事自惟愚忠
朴直餘將無有供奉 闕庭寵膺民社秩中通貴竭

誠圖報之念日深一日奈乘榆景迫年與時馳而追
遠返本之懷朝夕是切相嘗僑居即是將起新阡奉
安考妣神靈又誌登仕版家先世瑩域例有碑誌况

東西南北之人表識之建尤為切務俾子孫繼嗣
拜掃考其^世鄉里適追來孝免夫有旌紀寂寥之嘆
尚吾友惠顧賜之銘則程氏為不朽矣某以契舊且
素賞其方槩廼為書程之先代世為平陽洪洞縣李
村農家曾祖大父俱逸名諱所可知者曾祖生子四
人祖弟三子也金末以勞効嘗攝行本縣令有子王

房行弟八暨弟九郎其胤裔尚守遺業玉即瑞之父也府君慷慨重然諾風義矯矯有無與眾共之貞祐兵亂以武幹保完墟落

國朝壬午歲迎降

太祖皇帝從攻鳳翔用懷敵功總西京工匠年三十有九以疾終夫人曹氏出扶風宦族生子五人曰實曰瑞即武略君曰西京曰當僧曰午兒實之子懷驢取庖人氏次曰伴驢武略之子曰靈童新阡之兆建於彰德府湯陰縣之北蘭里實大德戊戌歲某月日也仍為發先世之潛德懿行與武略之挺志顯親者為之銘俾光賁新壠昭示來者云其辭曰

維農秉志

篤於儉勤

服田力穡

鍾氣之醇

積厚種遇

嘉祥自甄

何以為驗

慶流子孫

猗歟程氏

植本浚源

諷誦風義

超越同倫

由農而士

奮起艱屯

克昌再世

攀附鳳麟

愚忠朴直

祇奉嚴宸

典司玉食

三十餘春

名喧禁籞

僉曰蓋臣

付之民社

賞其勞勲

貳車五馬

卓蓋朱輪

大侈寵數

顯揚其親

有爵者阡

美里北原

光融松檟

銘勒貞珉

何以訓之

孝義忠純

昭示不忘

垂裕後昆

大元故清和妙道廣化真人玄門掌教大

宗師尹公道行碑銘并序

道之太原出於自然而隆而汗繫夫世運顧人力有不能致者如甘河之異見於西秦崑崙之氣表於東海自非素鍾仙分價重一時疇克輔承者哉金貞元正隆間重陽王尊師始倡金真教法逮長春丘公應期濟度道乃大行風聲洋溢丕冒海隅至於靜涵道幾動周妙用駢鶴馭之孤標謁龍庭於萬里絕塵而下稱繼述之善者我清和尹公其人也師諱志平字太和系橫海華胄大父而上世以儒業擢進士弟歷郡守者凡七人因宦游東萊遂占籍焉祖公直父誼皆融德不耀樂施與鄉黨以善人稱師生金天定己丑初母氏夢羽儀擁導若仙官迎謁者寤而

師有瑞光盈庭之異既長資穎悟不九杳然泰定了知生前事讀書日記千言及冠行遇道士自閔右來約師同詣文登醮祭歛失所在但見羽流乘白龜化現空際師懍懍感遇信道愈篤既而潛訪長生師於洛京父母數追止之至鎖閉靜室無幾遁去寓昌邑之西菴道家者流以禁睡眠謂之消陰魔嘗坐樹蔭下一夕假寐聞見長生師厲聲曰嚮祖師來化汝尚未悟邪遂揮刃斷其首剖其腹滌易鄙俗去其自滿由是匍臆洞然靡有所惑二親知志巨奪始聽入道明昌辛亥參長春公於棲霞遂執弟子禮久之偉其有受道資盡以玄妙付之曰吾性靈明如鑑不受垢常切瑩拭以湛吾天自是日有所得又問易原於太

古傳錄法於玉陽鍊習內精聲光外白遠近尊禮戶
外之履滿矣維陽州將完顏龍虎素慕真風奉亭圃
爲菴尋賜額曰玉清觀師佩上清大洞符籙主盟齊
東者尤寒暑長春聞之喜曰吾宗教托付今見人矣
大元己卯歲

太祖聖武皇帝遣便宜劉仲祿起長春於寧海之崑
崙山聞師爲其上足假道於濼以見之遂同宣

詔旨先是金宋交聘公堅卧不起至是師請由道其
將行開化度人今其時矣長春爲肯首決意北覲選
道行純備者十有八人從行師爲之冠致 眷眷隆
渥玄風遠倡師羽翼羽成之功爲多歲癸未長春還
燕主太極宮師雅志閑適退居縉雲秋陽觀俄徙德

興之龍陽長春仙去命公嗣主玄教即建處順堂於
白雲觀奉藏丘公仙蛻壬申四月

太宗鑾輅南還師迎謁於保賜坐論道慰諭者久之
翼日 右妃臨幸祝香琳宇錫道經一藏自是四方

學者輻湊堂下歸依叅叩于于而來唯恐其後師摘
要訣誨之曰修行之害食睡色三欲爲重多食即多
睡睡多情欲所由生人莫不知少能行之者必欲制
之先戒睡欲日就月將則清明在躬昏濁之氣自將
不生向上達者率自此出人徒知從心爲快不悟制
得此心有無窮真樂也癸巳冬十月講道經上下篇
於義州通仙觀微辭奧義大有發明及演七真造道
根源殊洒然也聞者爲洗心盥巫閭爲燕遼鎮山深

秀雄鬱必有弘演博大真人往來其間甲午春師往遊焉先是瑞氣葱鬱封鎖不散者浹旬至是開霽衆以爲山靈開先之兆師謝曰吾何德以當之終南祖師煉化地號活死人墓者蕪沒日久仙樞浮殯朝夕念茲若筑筑在疚乙未春開輔略定師西遊併圖營建又興復佑德雲臺千觀太平宗聖太一華清四宮以翼祖觀初道出汾晉沁長杜德康請設醮綠章方啓玄鶴翔空仙侶散壇時雨濟旱丙申秋奉旨試經雲中度千人爲道士俾祈天永命禔福元元師德望既隆所至風動雲委吏民瞻拜至兇悍無賴輩皆感化弭服戊戌師壽七秩以教門事付真常李公庚子秋葬祖師於白雲堂會送者數萬人時久旱

雨雪盈尺咸謂孝誠所致繼董祖菴僞功尋 敕額曰十方大重陽萬壽宮初大定七年祖師火其菴東游或惜之曰修人在後吾何亟焉至是殿閣廊廡覆壓千柱終始六甲脗合祖意誠有數存乎秋九月歸五華舊隱已酉賜號清和演道至德真人金冠錦帔付焉辛亥春二月十有一日沐浴易衣冠書頌曰觀化八十三歲澹薄全真活計臨行踏破虛空開放光明無際落筆而逝馨芬滿室三日不散臨死生際其明了如是師既示化以皓駒輿襯寧神五華其日終南祖觀有一道士乘白馬來告清和去世竟不知所之後計音至考驗月日知爲神遊化現吁亦異哉師儀觀秀偉風度凝重如瑞人神士不可梯接然即之

春風和氣津津溢眉宇間樂傾所得誨誘不倦志顯
利物感應無方如在濰陽松栢不種自生其寓仙谷
叢竹一符卦數學徒徧四方觀宇滿天下德博道尊
過化存神之妙不能具載皆出於至誠感發無一毫
作爲之私宜乎傳嗣道統配列師真上繼長春下授
真常前後無媿可謂清而不耀和而不流克肖克荷
玄之又玄若矣師平昔所在求詩頌教戒者無虛日
肆筆應答辭理可觀有葆光集北遊錄傳于世中統
建元誠明張公表師行業於朝追謚清和妙道廣化
真人制辭有性天開朗心地坦夷接重陽道統之傳
爲長春門人之冠宜錫褒章永光仙籍之旨始終昭
顯矣法孫陳德定出延安士族師事真人門弟子重

陽知宮仇志隆以修進餘力祭醮符籙皆通習之居
終南四十餘年潔以脩己耕而後食處崑穴間妖魔
屢梗德定以正法神力悉驅除之由是名著秦雍至
元廿七年耀州少尹姚某以聞蒙

世祖文武皇帝召至闕下試驗有徵寵膺玉鼎貂衣
之資元貞二年賜號棲玄致道通真法師三年宣授
秦蜀道教提點踵門來請曰德定自惟托跡草茅何
以致此蓋遠藉先廕思効光揚師祖清和公之返真
侍郎趙楠已表松臺祖菴之復實所權輿今紀行之
碑未克昭建是殆闕如提點温某等五人已礮樂石
幸翰長先生惠之銘是亦不一書而止之意也予曰
有是哉探源報本乃吾儒美事道雖不同其理弗異

乃次其所具而重之以銘其辭曰

天之蒼蒼一氣清 其視下也猶杳冥

真元有道本強名 俾而全之須人弘

甘河感遇世已驚 風聲波動東海溟

七葉泛灑金蓮英 至人挺出開世程

崑崙山高古蓬瀛 長春再傳何德馨

鶴馭九萬搏雲鵬 雷雨之動方滿盈

為民請命以道寧 維持綱紀誰使令

十八大弟光啓行 丘仙一笑盍上征

清和進脩純粹精 傳授道統力主盟

索已應物謙而誠 拱璧駟馬非夸矜

事唯無心物取衡 尹家樓觀青雲城

開天演化玄元經 全之為教迺大明

縱說豎說鍊此形 方寸莫遣三害攪

陰魔大爵風掩燈 嗜慾一肆甚五兵

顛木之枿不少萌 昏濁之氣何由生

志惟不分神乃凝 大賢大哲皆此成

用之國治如鮮烹 重陽祖菴功勃興

終南太華高稜層 玄風浩浩海宇傾

竹宮醮祀儲祥植 雨暘下遂萬物情

錫民五福世道平 穰穰復正德徃甯

一朝猗蘭并紫庭 仙階霞被光晶晶

物緣太盛神或憎 進退合正聖所稱

谷神不死存至靈 未妨委蛻仙山坳

瓊樓石室戶不扃
道傳千古垂日星
令威留語會有徵

神遊八表風泠泠
門人攀慕涕泗零
茲惟華表歸來銘

衛州創建紫極宮碑銘

維衛紫極道宮全真師冲虛子房公所創建也初公
既參丘尊師於海上長春自其氣志非凡殊稱異之
居無幾何命公主馬坊之清真觀迨國朝壬寅歲
聊攝趙侯請師住持郡之玄都宮於是鶴馭東遊道
出弊邑汲長趙實苞林間師道價重一時以治城崇
道里隙地廣六十舉武縱則倍之奉師為玄覽別館
訐然許焉輟其徒張志洞等結茆以居嘗闕地得石
上刻宋太宰張邦昌詩什知為吳越錢氏子孫隸華

庵故基也師留博僅紀而西還淇上方履滿九外每
以居逸教死為慮因集其徒而告曰吾大方家雖清
虛自然為宗要以應時衍化為重詎容山林長往歸
潔一已乎且吾行天下多矣未若衛之土中而更會
俗美而易化不於焉闡吾教尚何往然祝延寶供香
火焚修之所非大壯麗不足以張皇教基竦道俗瞻
敬之心也殛命門徒孟志玄趙志朴率眾下商洛之
材跋涉艱阻以歲月得木萬計遂建吳殿七鉅楹內
設三清大像示至道之原也中起通明觀以奉玉
皇輔袞欽天帝之尊也後復作七真殿五筵叙列仙
品見玄教之傳也下至壇墀神闈齋室庖福廡庫蔬
圃莫不畢舉師素負巧思志堅而氣充規撫位置意

匠中定不待畫宮于堵而爲執用者之法要使堅完
鞏固爲數百年物尋師委蛇仙去遺命志朴等曰今
大功將集無以吾存歿而作有間勉強前修以卒吾
志故志朴等三十年間焦心勞思攻苦食淡繼述師
訓猶一日然今則繪彩供帳截然一新金光五雲絢
爛溢目宏麗靖深爲一方偉觀其工費之廣自力其
力初不外假而衆忘勞焉實維始於王子之春迨至
元甲申秋工告訖功志朴乃件右師之行業與夫興
造本末踵門磬折謁予文者再余以鄉梓盛蹟且與
師有玄談之雅勉爲叙次之師諱志起維州昌邑人
幼業儒既而以異夢有覺遂入道爲人氣貌魁奇操
行清峻通古今善篆籀樂與各士夫遊至於醮祭之

獲福雲鶴之顯異所在驚動世之耳目者爲多遺山
謂師外朴而內敏質直而尚義似夫墨名而儒實者
蓋確論云宜其事業成就如此至元戊寅志朴以師
德請于 朝蒙 敕定僊號曰弘真體靜真人若志
朴者於師弟子之禮始終盡矣尚猶以師不覩道緣
大成爲歆予慰之曰不然昔真人舍清真而遊博去
博而終稅駕于衛今雖神遊無方其眷戀於此也必
矣况共衛間名山勝境固爲小有洞天如玄元化現
於仙山公和舒嘯於蘇門海蟾留題於白鶴仙蹤靈
貺前後接踵見于方志雜出于傳記之說者昭昭矣
異時馭風騎氣追陪真仙安知不過故山而留語府
華表而增懷而爲孫劉絕塵之舉也邪仍作歌詩詳

見師志碑刻諸樂石雖綿亘千祀庶幾來者有所考焉其辭曰

道家者流本靜清
宗慈尚儉貴不爭
有時土苴為世程
像緣教設雖強各
猗嗟先生起營陵
至人未免安儵行
方花古礎排巨楹
羣仙媿統湏皇靈
先生演化意有徵
庶用張本道可興

杳冥而無迹與形
茲乃黃老之常經
祈禳醮祭由是生
雄樓傑觀爭崢嶸
魁偉德業玄門英
河山兩戒磻金庭
紫雲為蓋青雲城
紫垣落落羅天星
後孰倦焉先此營
陰助政治歌清寧

大緣未竟歟上昇
歲繁月積大有成
仙宮洞房本不扃
來過故國宜少停
追攀逸駕非吾能
風時雨若穀不頓
我詩刻石何千齡

門人攀慕涕兩零
惜不久視為宗盟
神遊八表風泠泠
紫極夜氣聞蓬瀛
尚想為國儲休禎
下洗澆俗還淳誠
要作華表歸來銘

秋澗先生大全文集卷第五十六

秋澗先生大全文集卷第五十七

碑

輝州重修玉虛觀碑

嘉平道士介練師范君贄禮幣來謁拜而請曰弊觀
在蘇門顧惟狹陋然歷年久實爲自昔名額敢託斯
文俾見興造本末暨師真住持所自用傳不朽廼宿
昔所願言幸憲使惠顧越爲光有赫按所具事狀州
西郭曰草市城北走出廣薪門百舉武有觀曰玉虛
攷其肇基蓋始於前宋政和間所建大定初仍賜今
額爲正殿一旁小殿二中設三清四聖元辰等像函
文後列神閣前敞下至真官齋壇賓客庖庫之位咸
叙而即宜承平久法供大行鍾磬齋魚之音隱然聞

山水間蔚為兵前儲祥勝地壬癸兵餘日就荒落厥
後清虛弘道真人來主治之月殿星壇稍復於舊尋
冷公西歸屬之通妙嚴君顯奉師訓惟恪乃割水磴
稻田渚莊等業雖鑿刮衣孟資贍徒侶大有方便丙
申冬嚴既示化真人致憲弘深召上是通真師梁志
一謂曰王虛道場藪尔于共今繕修頗完資用苟有
第道匪人弘何以行遠矧共山群彥所集半為方外
眷屬微汝曷克洞王清之虛靜奉文獻之願接哉於
是唯而來嗣飭治焚修其用尤儼已有者守之日固
方來者增而歲新復於百泉西涯買田數畝築致爽
亭貯經史植松竹號嘉惠別館娛言一室罔間儒墨
暇則鼓琴詠歌將以挹蟾房之景氣接鸞鳳之遺音

豈惟與泉石而為伍也雪齋姚公愛其幽勝亦嘗徇
徻其間與師為蒼煙寂寞之友傳曰尚友知人梁之
為道槩可見矣既而師倦勤盡以後事付高弟道燦
燦為入姿疏秀氣爽而象恭志繼而本立守護傳
惟恐墜越其徒稱之曰能燦姓張氏自童行入道今
三十六年矣嘗觀道家說有王清玉虛等號亦猶天
有九霄神霄為最高然冲而用之於道體何在是固
老子法虛心實腹守為清修要者蓋心不虛則道無
以入物無以容教無以受而腹無以充矣坐進之功
苟踈疑存之理或熄若道燦者法壽方爾主治院門
甚力至於接外務崇本宗誠能中虛而應物以道腹
而充腹者焉正自師祖師梁庸玉汝於成之旨也若

然則其爲後來紀綱是者矜而式之繼爲不朽無窮
之傳也必矣仍爲門人作詩俾歸來望思以極道真
之本其辭曰

蒼蒼共巖桂連蹇兮杳焉子懷仙遊遠兮山空日寒
悵疊巘兮宮居粹食思展轉兮遐想仙標玉雪質兮
彤車載花紅一色兮醉鞭星馭金虬蛇兮糝糠塵世
宅閬苑兮嗟嗟堪輿一烘爐兮往古來今爍無餘兮
世外無物須人徒兮剝滌玄覽歸靜虛兮服餌節飲
差少瘡兮弱志強骨壽吾軀兮庶幾真筌師同符兮噫

大元國大都創建天慶寺碑銘并序

大雄氏之爲教如慈雲慧日覆燾無際惟得其又道
乃大行宮居像設亦從而熾盛之我

國家鼎定全燕教隆內典故精藍勝刹旌嚴寶界金
碧相望有佛國大乘氣象維永泰寺肇基自遼彌陀
者泰之別院也大安兵燼廢撤不存鞠爲茂草者五
十
大元至元壬申有僧雪
始來結菴而王之
先是師業嗣法猶窟潛天德以經戒嚴機鋒峻越在
雲朔名動京師嘗假息間有以天慶名所棲而告之
者初不諭其故既而駟馬高唐郡主聞師名德喜
之既覲止即依慈蔭扣真詮師順事
方日有所覺
以至承嗔獲譴非罪而惟苦毒者因師一言多所縱
釋其後王請師住豐之法藏院仍贈具錦法衣用著
顯異尋以道行
上聞有詔所在護持及觀光大都
郡王廼出重幣易是院爲師待問駐錫之所與其徒

奉香火修潔精進而已至於建大道場擴充無量功德蓋遵養而有俟也逮甲申冬皇孫紺蒞刺以師持誦保釐故欲辟靜室與之官府辭不可翼日出貨泉二千五百緡泊名驃二仍諭留守段禎詹事丞張九思即所居庀徒歲事起三大士正殿文室七巨楹下至門閭庖湔賓客之所略皆完美始於乙酉之春成於丙戌秋仲役初作闕地得廢鍾所刻天慶二字考之蓋有遼建號也事慶既協即為新寺名額於是倚睥像於金先佛潮音於空際有來諸天普臨雙樹顧諟永泰廢餘復為清涼法觀矣後三歲奉皇孫奩香禮江浙各刹起造截經師員涉江湖往返萬里存神過化高風所及奔走供養且有金仙通靈

茄藍主護之應吁亦異哉凡得經四藏計二萬八千餘卷分貯大都之開泰天慶汴洛之惠安法祥及未豐法藏院仍以法物付之使人無南北通暢玄風壽聖皇贊寶緒天花雨紛梵唱雷動日開八方之供者此師之所圖惟也宜其經來神衛號應基先雖老栢重榮神松回指有不是過者遂不千里遠持待制王之綱事狀以寺碑來請曰山僧空疎無足比數以義以契尚憲使與願以銘章貺之始終之願畢矣予以師熹儒學有器識所交皆藩維大臣文武豪士緩急於士大夫周旋不榮悴間解紛振乏要有實效然去來其間殆雲凝而風休也嘗即寺雅集自鹿菴左山一大老已下至野齋東林凡一十九人作為文字道

其不凡時方之廬阜蓮社云是亦將因儒釋僧之特
達者也宜其行業成就如此固可以著金石而垂不
朽矣師諱普仁字仲山姓張氏雪堂其道號也世為
許昌人父世榮官至豐州司錄參軍母夾谷氏師生
有禎祥甫毀齒不葷酒齋初祝髮於壽峯港老再具
戒于竹林雲和尚及衆求恭贊公一見器異即蒙印
可至有機鋒洒落瑩徹氷輪頭角崢嶸先騰星緯之
諭贊孤出臨濟第而上之師乃慧照十九代孫也過
鎮陽樹碑表行濟源接孤以昭其本於尊祖追遠光
又赫焉余嘗論天下之事雖小大有殊醞酌注措皆
有本末就釋氏教論之佛法者本也塔廟者末也崇
其末而遺其本求進於道亦以難矣若師也可謂持

用有方審所先後者哉乃隨喜讚歎而作偈曰

道之大原出於天

物生而靜乃本然

扶持有術繫後傳

惟聖日遠湮其言

奪攘矯虔紛目前

佛乘自西來竺軋

慈愍濟度心為先

衆生迷惑不知覺

沉溺苦海甘流連

人又安得以手濟

以法為柁經為船

奉持頂戴破黑業

火宅變幻生青蓮

龍宮紺殿儘瞻禮

具香須滿黃金田

阿師振錫下南海

豈為頭角羊昂軒

向來四萬八千偈

重與震旦開經筵

燕豐汴洛還舊貫

佛界珠網搖秋煙

群昏再曉樓至善

如夢日月金沙洲
未若此舉思無邊

漢人得經纔四十
功圓行滿師不有

歸之

帝孫祈求年

八方奠枕磐石靖

天子萬壽南山堅

聖孫神子麗不億

惟城惟藩復惟宣

歸來丈室炷香坐

但覺鍾鼓清而圓

從此婆羅變樹底

知師澄定草鞋禪

大都路鄴州隆禧觀碑銘

鄴州距今新都東南百里而近本漢泉州地遼為鎮
而亾金縣焉兵後井邑滿索僅存縣治原隰平衍渾
流芳淀映帶左右建元已來春水

羽獵歲嘗駐驛民庶覩羽旄之光臨樂遊豫之有賴
故生聚市閔旋踵成趣至元十有三年遂陞縣為州
從吏民之請也爰有道館據城之西北維亦由是而
修崇焉住持圓素大師劉志實者許之長葛人夙秉
淑質自童行入道師希真劉志永求即長春丘公高
弟清虛韓志谷一再傳也初師永誅茹於都之東郊
剗心坐忘凝塵空窻者十年盤山王棲雲道價高一
時歆其精修枉道造謁自號麻衣老壽八十有四怡
然而逝師之在弟子列也侍晨昏服勤勞人所不堪
已自若也積寒暑三紀猶一日然麻衣見其持守不
易皮毛盡而真實在可與有立於是通真觀屬院
曰玉晨菴者令主張是戊午間誠明真人愛其地佳

而氣腴囑之增建以應有開之先始焉荒廡二十餘
畝敞屋數間蔽風雨而已師乃以和光同塵樸實感
物爲方至一鄉欽嚮願言信施有不期然而然者助
益既多功用漸集遂起三清殿繪玄聖於堵所謂上
九位者居其中又畫日月星官歲德師聖岳瀆等神
列侍兩傍雲舒霞蔚滌彩絢目殆玄象肇分端倪呈
露下至嚴裡有壇靜棲有室凡所需皆具以屋而計
者三十楹歲時清供真仙來臨鐘磬之音隱然空際
誠迎祥之別館一方之榮觀也既落成洞明宗師以
今名榜之及玄逸真人張公嗣教嘉師之勤命書石
以昭厥後遂介鍊師劉文甫來請銘予以謂肯心而
構易固而新豈唯瞻者增敬其因衆成功同延慶壽

蒼鴻休而畢師志使來者祝嚴固逸而隆福降簡穰
之本是固所當書者仍以黃庭七言體歌以系焉其
辭曰

道家者流玄默稱

抱持其雌無所矜

屋居火食相奉承

奮飛矣天魚在泓

疇不若不休其生

爰因像設心自兢

仍用善俗滋良萌

鄒州維南泉故城

玉晨有庵無所營

敞廬數間僅懔懔

一旦締結三十楹

煙光粼粼萬瓦青

正自肯構今有成

要擴師授昭予誠

爲國迎祥禱上清

鑾輿歲幸實省耕

延芳春水紛霓旌

遊豫何翅歌三登

千秋萬歲樂事并

道人百拜乞此銘

隆禧因之播永馨

雲間歎賞聞慄噓

安知不有成公典

大元故關西軍儲大使呂公神道碑銘

盡瘁以事上忠也守志以完節貞也忠貞之澤流潤
後人俾功名奕葉富賢一時而親弗逮者天也故聖
人垂光揚之典可以貫幽明而慰存沒斯亦孝之至
義之盡也若夫負卓越之奇材抱騫騰之逸志起家
侍從收功轉漕臺閣藉風雲之舊門庭眩組綬之榮
始以故家遺俗終以令聞令望振門闕而紹先猷者
吾於遂城呂氏見之矣呂氏世為燕陞鉅族值金季
搶攘譜謀墜逸高曾而下淪不可昭穆公諱嗣慶字

昌齡考諱祐仕

皇元由行尚書省掾充諸路人匠府總管妣李氏公
幼喜讀書不從群兒嬉既冠氣貌魁傑學通經史善
騎射長於辭令思以奇節偉論表見於世耻齷齪出
人後時朝廷遠控北樓詔龍門劉公元帥黃公
行臺于燕柄用頗穎決公策時務所急及便益民編
者十數事以撼二公果奇其材識以國士許焉既而
挈之比覲引現

太宗皇帝薦其材應時需堪備供奉

上韋其儀觀收隸御帳下碌碌初無所知名居無幾
可譯語國體閑習通曉如素宦於朝者由是稍得近
侍上前公資聰悟應對周旋動協齊意自爾頗遇

頗異出入殿庭寒暑夙暮十載間謹畏小心未嘗易
常度上審其可用命提點尚食局事國朝大事
曰征伐曰蒐狩曰宴饗三者而已雖矢廟謨定國論
亦在於樽俎饜飫之際故典司玉食供億燕犒臧掌
視前世爲重九群臣預御行者冠珮服色例一體不
混殺號曰只孫必經賜茲服者方獲預斯宴予以別
臣庶踈近之殊若古命服之制公前後被賜只孫錦
服十餘襲寵數之隆于斯可見歲己未

憲宗下詔伐宋車駕由隴山道漢蜀趨合州之釣魚
山大兵既興糧餉爲大計庭議推公宜膺將漕乃降
璽書金符充關西興利軍儲大使公轉致有方給授
均一士無飢餒之色民寬飛輓之勞竟用勤劬致疾

以庚申年正月廿四日卒於京兆府官舍得年四十
有三歸葬隧武之西原從祖窳也公資侷儻有大志
奉上忠事親孝交友誠進不隱謀退無私議古今
成敗胷中皎然叻縱波濤屢中倫慮材優器幹事
無盤錯膂力方剛經營伊始謂利澤施於人功名昭
於時可力致也一旦齊浩浩之長川中流施折涉漫
漫之遠路半道車傾士論于馬爲之歎惜夫人王氏
系保定大家姿溫恭靜淑公浚之歲纔九有八舅總
匠府君尚在堂二子方駘亂擬志自誓仰事俯鞠亢
起夫宗爲任遂嚴奉舅璋壽終八秩教育二子至於
成人爲長子澍娶金名臣追謚通憲先生梁公孫女
今以才華英邁練達政務任樞幕經歷爲次子淵娶

漕僚清苑王君仲女資秉幹敏棣萼輝映任承事郎
管勾中書承發司昆季造名朝籍校世宦故家不失
舊物皆由夫人節義有方以之扶持者也姻戚鄉閭
至援柵行美取為訓範女一人適大都赤氏孫五人
樹之子道安女惠鶯淵之子定安季安賜安壽五十
一終於大都私居之正寢越三日祔安玄堂實至元
八年十一月十六日也澍既長樞幕秩中通貴一日
與弟淵謀曰今粗有所立猥荷斝斝可不知其所自
邪惟我先人大志不遂賈恨下泉妣貞幹內事克隆
遺緒潛德遺淑大懼墜佚有求銘太史揭石神道貴
松楸而垂示不朽融管彤而發越幽光罔極之恩庶
幾昭報廼以不腆之文來請某自惟昔任裏行與澍

婦翁孝可定交時澍方聯姻婭自是交義日篤于今
三紀以契以舊有不得諱者謹掇其義烈言言振衰
風而厲薄俗者銘之其辭曰

維趙北際

保為名城

風聲氣習

而燕與并

越此兩間

古多豪英

游談尚氣

芥拾功名

矯矯呂侯

資秉忠貞

濟以學問

又多藝能

文武備具

富之邦經

囊錐脫穎

已為世驚

朝麟趾

來儀紫庭

入侍帷幄

即允帝情

錦衣分賚

寵數光榮

佐商有道

奚翅割烹

大駕南征

如雷如霆

食惟兵本

以先啓行

曰轉曰漕

職焉汝勝

民安飛輓

師樂均平

心計鞭笞

以經以營

鵬圖海運

九萬初程

一價不起

其孰使令

秦川慘澹

有來英靈

不隨朝露

溘焉替零

化之閨壺

義烈烈烈

二子承慶

若綬影纓

婉婉幕畫

執樞之衡

顯揚有例

聖經義明

郎峯西峙

雞距東傾

武隧西原

風水收寧

葬復從祖

多祉是膺

元身不歿

永振嘉聲

古所謂不於其身而在於子孫者

視我刻銘

其言有徵

何以驗之

大元故昭勇大將軍北京路總管兼本路

諸軍奧魯總管王公神道碑銘 并序

國家當肇造際所在蒙降應期効順昇世侯疊將鎮

據一方父死子繼兄沒弟及蹈故步而執成規固自

若也逮夫守成尚文登庸賢俊通遷調而革舊襲明

治道而考殊功所謂闕閱子弟持崇高之體不學無

術噤不能有所施為備負而尸祿者多矣論其籍父

祖之緒餘卓爾以才傑著聞膺朝廷之選遴諳然稱

為良牧伯者誰乎予於孤竹王公見之矣公諱導字

成之世家平州之遷安縣祖諱誥以金貞祐初任興

平軍節度幕官攝府事方

大元經略中夏

皇太弟國王奉命率兵出榆關循奄盧塞而南雷殛
電激所向無前府君審天命之眷臨憫生民之塗炭
遂挈二州五縣板圖投獻轅門王嘉其忠赤首倡大
義即聞於

太祖聖武皇帝蒙授榮祿大夫興平路兵馬都總管
知興平府事尋錫金虎符加左副元帥兼安撫使父
諱德明字才卿早嗣世爵屬遼右初定撫養遺黎職
修藩翰无奕先業焉公幼穎悟好讀書年未弱冠入
侍藩邸即能練習國體通曉譯語及長資沉毅負高
氣所交皆一時豪傑立志宏遠恥碌碌隨人後歲戊
申襲父職仍佩金虎符公自祇承先政夙夜惴惴惟
恐失墜視民事為難不敢忽易遇政令之不便時俗

之未安思而不置憂形於色必咨訪更張俾理順事
得而後已未嘗恣情耽於游宴二十年間猶一日然
咸謂臧孫有後於魯榮祿之澤未艾也辛亥歲入覲
憲宗授本路總管兼萬戶俾專兵民之政殊光寵也
世祖皇帝踐祚分朔南為十路肇建總管府以公奕
世材賢授平涼路總管換佩金虎符且有奉公忘私
當副所委之諭至元乙丑轉官制行授懷遠大將軍
知中山府事三年陞昭勇大將軍彰德路總管六年
改懷遠大將軍總尹順德路九年復昭勇大將軍升
授太原路總管兼府尹本路諸軍奧魯總管十四年
遷北京路總管兼大定府尹以疾不赴北一年上章
致仕日與故交雅士用琴書棊槊相娛樂序宿好暢

幽情裕如也不幸於至元廿五年正月廿有七日薨於私第之正寢享年六十有四越七日葬於遷安縣東石橋西原祖塋之次夫人安氏山東東西等路宣撫使安公之女和柔貞順光備婦道今壽登期願夫入高氏出盧龍處士家資賢明勤於內助主持家務營辦公喪預有力焉子男五人曰國彥蔚州抹木提舉曰國傑俱先公沒曰國英不仕曰國士早世曰居仁高所出忠翊校尉湯陰縣尹子女三人長適宋氏次畢氏嚴氏男孫三人不花永興 公資雅重智慮周密奉上忠接下有禮善養名馬識別鷹隼衣冠修潔車從閑雅有承平豪貴風度人徒知氣習體貌移養如是而已不知其當官蒞政持凜謹嚴聽斷明

察以公正自處凜然有不可犯之色務要紀綱立號令行其治相尹并皆監司理所工匠群不逞之所集公與辨曲直折姦橫不絲髮貸同僚以相假藉示并容爲言曰爲之在我者當如是因公道而致私憾吾不恤也雖時不相能後竟以事直而心服焉所至興修廣學尊禮師儒崇禮讓而抑豪強致差賦辦集民安俗阜然恂幅無譁不示襍褻持守剛果終始如一故治績混然不可指摘有古良吏風當中統至元間聖天子厲精政事以成効責中書一時宰輔皆極老成選咸謂素無選舉篤責之漸惟師帥得人上澤可下宣下情可上達庶幾德化之成太平有象矣故各路總尹慎擇其人至有虛曠歲月不肯輕以畀受者

公之擢拜適丁茲時故四歷名郡兩增崇資皆出公
論之所在卒以稱職聞已足以伸眉高談有光故家
含笑瞑目無愧先世矣公既葬之十載嗣子居仁念
潛德遺懿恐遂湮沒聞不肖久忝太史屢銘當代名
公貴人乃件右事狀請碑其神道向公移鎮洹上不
肖適退居淇在相衛之交相去不百里逮尹晉陽亦
判平水幕汾晉兩府南北相望故稔知其政績後以
迎迓事南來會遇於張少尹吳公館張與公為風雲
故契談其家世行已為詳是則今日論述已有開先
之兆矣敢勉為次第而重之以碑銘曰

遼西惟漢右比平 自昔用武地必爭
榆關北控盧龍橫 夾右碣石山海高

沉雄氣鬱貫斗精

王公孕秀時之英

天兵南下轟雷霆

羣情恟恟孰敢嬰

惟先奮效忠與貞

玄黃于篚

王師迎

兩州千里不震驚

寒谷陡覺春陽生

風雲儼景同翻騰

載世柄總民與兵

一朝繩武光嗣承

鷗鵬變化天東溟

六合澄清朝日升

修文偃武論治經

唐虞黜陟公幽明

罷侯置守除因仍

德讓凜凜望久凝

漢二千石任可勝

政刑相時量重輕

刺裁錯節需鋒稜

善良與護姦惡懲

大綱既振道自弘

興庠育材昭世程

吏畏民愛風化行
趙張才氣耻近名
庶幾無忝先業榮
勤勞致疾孰使令
嗣惟克肖爭考誠
蔽芾用播甘棠聲
墮疾當與征南并

歷典四郡稱循能
白頭一節匪變更
世期福壽方川增
生存華屋丘山零
銀鈞翠琰勒我銘
遺黎伏讀爲愴情

秋澗先生大全文集卷第五十七

秋澗先生大全文集卷第五十八

碑

渾源劉氏世德碑銘并序

金源氏崛起海東當天會間方域甫定即設科取士
急於得賢故文風振而人材輩出治具張而紀綱不
紊有國雖餘百年典章文物至比隆唐宋之盛若夫
篤志力學挾藝應選首破天荒魁冠多士父子昆季
相繼擢第爲名士夫作良牧守文行端雅門第清峻
爲金朝第一流者其惟渾源劉氏乎劉氏出彭城望
族五季板蕩播遷朔土遼宋遠祖諱用者居弘州順
聖縣之耀武關世業耕稼生子翰贈承德郎配張氏
追封彭城郡太君生撫字仲謙即今監察御史鄰之

高祖也始釋耒耜習進士業當遼金革命擾攘際學
未嘗一日廢天會二年肇闢科場公以詞賦第一人
中選惟遼以科舉為儒學極致文體厖雜萎蘭視晚
唐五代尤為卑下公勵精種學文辭卓然天成妙純
當世一掃假貨剽切牽合補綴之弊其後學者如孟
宗獻趙樞張景仁鄭子聃皆取法焉金國一代詞學
精切得人為盛由公有以振而起之也釋褐右拾遺
轉知天城陽曲懷仁三縣擢大理正遷平陽府判官
安東節度副使兩貳大理寺出刺石州累官中大夫
年六十三卒於位翰林學士張景仁碑其神道公性
淳厚見義固執待物誠好誘掖後進三為理官議獄
主恕不屈於權賢故多平反尤長於治民興利除害

若者愆然施設有條理簡便可持以所去見思圖形
奉事素愛渾源山水幽勝買田家焉晚号南山翁夫
人渾源雷氏北京轉運使思之女封彭城郡君生四
子曰汲曰渭田滂早世曰濟汲字伯深穎悟絕人早
傳家學與弟渭同擢天德三年進士屢為州縣有聲
累官朝散大夫應奉翰林文字西京路轉運司都句
判官平生寡合不羈慕郭林宗黃叔度之為人晚節
倦於游宦放浪山水間以遺興讀書為樂稱西崑子
述壽藏記叙其行已甚悉卒年五十八鄆王府文學
陳訥銘其墓有西崑集行於世屏山李之純引其端
娶曹氏追封彭城縣君一子偁字稚川大定十年進
士第積資奉直大夫豐王府文學兼記室叅軍孫一

從夔字和卿奉職出身善作詩曾孫文祖渭字仲清
少好學克紹箕裘既登第授承德郎知秦州隴城寨
事調隰州軍事判官終朝刻大夫尚嵐州刺史號

老人一子价

河水泊酒監曰濬廼鄰之曾祖博學

強記少有聲場屋間既而用廢入仕至安遠大將軍

饒陽令配張氏封彭城縣君生四子似似儼侯似字

稚行宣武將軍真定府軍資庫使三子從善字澤卿

彰德府酒監從臯字平卿從契字禮卿武義將軍克

勝軍副都統孫五人曰郊武義將軍曰邳等俱早世

似字稚章孝友愛出於天性力學能文稱其家聲

四誠于庭不偶用恩賜第授承仕郎華州教授再任

承直郎主沂水縣簿娶王氏封彭城郡太君壽五十

五終於家遺文雄深簡古有迺祖風嘗訓子孫曰為
士當先行檢如絲之潔將立其身慎無點汙汝佩吾
言則無忝矣故屏山李純甫表其竈曰善人劉公之
墓其為士夫之紀蓋可見矣一子從益字雲卿自髫
齒時已有成人度擢大安元年進士乙科調鄆陽丞
長葛簿陳州防禦判官皆有治績投機應變措畫出
衆意表進提舉南京路權貨事丁沂水君憂起復拜
監察御史君負材尚氣資之以學欲使事業表表大
見於世一旦賤與志合所言朝廷紀綱時政利病
竟與宰臣辨論得失不屈去職開厓淮陽與諸生講
明伊洛學父之選令葉縣至則鋤強剔蠹豪族惡黨
禁不敢少肆請免逋租三萬石致流民自歸者口數

千大起孔子廟既樹教本集諸生肄習其中風化大
行考課爲河南最未幾召入翰林爲應奉不踰月而
卒得年四十有四雷御史淵誌其墓趙翰林秉文勒
銘神道皆稱其器識明敏剛直敢言學可以輔政教
材足以濟時艱實志以歿士論惜焉蔡民至廟而祀
之孔子稱遺直遺愛者豈近是邪蓬門其自号也蓋
取南山翁誠子詩元自蓬蒿出門戶莫交門戶却蒿
蓬之句有文集十卷粹而瞻通而不流類其爲人丙
子嚴氏封彭城縣君子二祁郁祁字京叔少穎異爲
學能自刻厲有奇童目弱冠舉進士庭試失意即閉
戶讀書務窮遠大涵濬鍛淬一放意於古文間出古
賦雜說數篇李屏山趙閑閑楊吏部雷御史王潯南

諸公見之曰異才也皆倒屣出迎交口騰譽之又與
御史公退居於陳相與講明六經直探聖賢心學推
於躬行踐履自是振落英華收其真實文章議論粹
然一出於正士論咸謂得斯文命脉之傳壬辰北還
鄉里躬耕自給築室榜曰歸潛歲戊戌

詔試儒人先生就試魁西京選充山西東路攷試官
後征南行臺拈合公聞其名邀至相下待以賓友九
七年而沒享年四十有八翰林承旨王磐誌其墓娶
史氏洛陽名族一女適前監察田芝子文冕一男景
山終國史院編修官孫一興同有神川遜士集二十
二卷處言四十三篇歸潛志三卷行於世郁字文季
亦名士中統元年肇建中省辟左右司都事出尹新

河召拜監察御史能文辟工書翰別號歸愚卒年六十一娶趙氏前禮部尚書璜之女一子景嵩鄴字伯震一子景巒儼字維昂鄰之祖也登承安二年進士第累官至中奉大夫秘書少監壬辰北渡痛宗國云亾蹈河而死配李氏封彭城郡夫人三子從禹字虞卿登正大七年辟賦第官至朝散大夫同州錄判一子曰都從愷字舜卿自幼卓犖不羣稍長入鄉校擅能賦聲再舉不契就廕補官授武義將軍登封主簿已能綜覈縣務束濕吏曹人不敢以少年書生易之國初生聚稍集遴選廉能急於撫字辟府君攝領韶州事繼真授宜陽令縣當兵後庶事草創高下下車廉知其利病休戚斟酌而更易之凡科取差徭

必驗其等第俾均輸焉暇則集俊秀於縣庠講明禮義美善風俗為政才朞月而頌聲四達終更授河南府路經歷素精吏事婉畫恢恢刃游餘地致六房無滯務公餘與紫陽楊文西菴楊公九山李子微薛庸齋微之觴詠於泉石間中統四年正月廿八日以疾卒於私居之正寢壽五十有五娶張氏宣德望族貞靖柔懿自在父母家已稱純孝及歸于我事舅姑恭順飲食服御非經其手不進也終於至元北三年十月廿日享年七十有五葬合祀人廩字君美平江路人匠提舉至元三十一年十一月以疾歿得年五十有五配段氏享年四十有九部表部場管甸鄰才識警敏練達時務由省擢授承務郎工部主事次陞承

直郎順德路總管府判官選充監察御史女二長適
渾源州王氏次適應州元帥韓公之孫孫五紹祖江
浙省宣使慶祖殿山巡檢繼祖勝童乞童從稷字賢
卿終濟南路儒學教授三子曰郁曰柳曰郭保承奉
班祇候遂州酒監一子從周字文卿劉氏先壠始葬
順聖之耀武關南山翁徙祖營於渾源縣東北黃山鬼
鄉御史君以世故流離起先塋於宛丘神川旅殯洹
水歸愚定窆燕山令鄰奉大父中奉公衣冠及考妣
恆安厝於河南北印之原是為渾源劉氏洛陽新什
鄰復欲彰先懿昭孝思圖不朽論不肖嘗問學於神
川先生知其家世頗詳持張陳李趙雷王諸公銘誌
求述世德碑以猥列後進年迫衰謝不能發越先賢

事業且何敢秉筆於諸名勝之後堅辭者久之鄰復
曰金亡士之比渡者百不二三今消磨已盡求接見
先輩老於文辭而最知名者莫公若也今弗惠顧則
先世之事將何於託不獲已勉撰綴諸公緒餘及已
之聞見而知者會歸其極而系之銘銘曰

漢庭射策

貢士遺風

排黜百氏

仲舒是崇

唐文三變

敗北無從

振起衰蕭

尊昌黎公

兩公傑出

莫之比隆

考其胤裔

孰繼芳蹤

大名難再

氣數奇窮

金源立國

網羅才雄

首魁多士

惟南山翁

程文妙絕

一世師宗

當時景仰

韓董攸同 子孫克肖

家學是攻

魏科七决 聲華摩空

故家文獻

泱泱大瀾 蓬門卓尔

世業克充

言直行果 節効匪躬

支撐傾頽

致時之雍 賈志雖沒

留名則鴻

中奉矯矯 耿貳大蓬

存凶惟義

表我孤忠 子孫畱熾

為報則豐

神川力學 洞聖心曾

明理貫道

匪文奚工 玉佩瓊瑤

大振鋒鋒

導家學之淵流 會百川而朝東

章甫適越

惜不時逢 陰相同氣

先志恢洪

朱衣白簡 乘御史驄

何劉氏之多賢

試紬繹其始終

種德植善

無踰於農

立志務學

祿在其中

忠義仁恕

傳嗣彌縫

維人事之克盡

見天理之昭融

宜澤流渾水之源

青蔚南山之峯

北印之原

巋然新宮

世故牽率

匪忘祖封

是惟金百年文宗之裔

過者敬恭

大元故廣威將軍屯田萬戶

聶公神道碑銘

皇元以神武戡定區宇剪金取宋保塞一軍號稱雄

勝帥闡堂堂節制於上亦由部曲宣力得其人故也

况耳氏與蔡國張公奮跡布衣義同里閭依乘風雲

奕世竭節者哉公諱禎字正卿世為定興沈陶井里

人曾祖洎大父皆在野不仕父福堅資豪偉善騎射
國初張公團結鄉義柵西山之東流竭選推為百夫
長從定河朔取汴蔡有殊績終襄縣屯田總管母夫
人段氏同里大家生四子公其長也幼沈鷲寡笑言
不作群兒嬉及長聰敏好學有謀略慷慨尚氣節年
十七嗣襲父職張公察其才武試以攻守之方為問
條對洒洒有成筭公愕然不復以嚮之吳下阿蒙為
昧歲丁未率本部分功立杞城亳阮宋人出沒以絕
侵軼之患繼攻泗州前後以功受賞有差己未扈
世祖皇帝渡江攻鄂渚拔鰲孤先登陷東南城堞都
督戰親覩壯其勇酌酒飲賚以紀其功其年冬
命領千兵迎援大帥兀良合友於長沙水陸轉戰備

嘗艱苦竟達漢陽由是陞總轄仍佩銀符中統三年
賊壇叛公攝千夫長分圍歷城接戰嘗先諸道兵蒙
賜鏐馬俾激士氣壇平遂南城荆山至元六年真授
千戶易以金符是年

朝廷進軍襄樊公屯守鹿門甚力至元七年行臺命
公將番漢馬步三千人取新興寨公曰彼衆而恃險
我客而力不一惟當神速掩其不備可成功尔遂一
戰而克斬馘不勝計生擒者七十人賞楮幣四千緡
至元十二年分隸元帥孛魯歡收連海淮安等州宋
守將許安撫者陳艤艘五百艘以俟公帥麾下直擣
之許少却水陸乘之彼軍大壞殺死溺水者十七八
盡獲其戰艦器仗帥府上功奉

旨陞武節將軍繼攻下招信泗州階進宣武時孽宋
已亡江西湖南皆內附獨靜江恃其險遠旅拒
上以亳軍素精銳戰必勝攻必取命摘全軍進擊至
則賊勢披猖公率猛士深入殊死閉首奪西南城堞
衆隨之以進城陷捷聞加授顯武將軍行軍總管桂
境雖平大兵後所在草寇切發充斥山谷間爲良民
梗衡山茶陵尤稱搶攘帥府稔公威名烜赫摘諸翼
兵千人往平之公窮竟窟穴夷扶根株其脅從汙染
者諭歸田畝井邑按堵軍無私焉所在老幼擁馬首
泣拜曰非公活我吾四縣遺民二十餘萬無噍類矣
其戢禍亂威愛兼濟有古良將風既而蒙古漢軍都
帥張侯以公部曲故家屢立駿功請於朝復備將佐

十七年從張侯入覲進拜明威將軍亳軍副萬戶仍
賜錦袍一襲旌宿勞也俾鎮建康尋移維揚十九年
選充江淮都漕運使二十五年改任廣威將軍大都
屯田萬戶一載間區畫營屯耕稼有法比前政收獲
爲倍蓰二十六年更授右翼萬戶田旌閃閃有萬屯
曉唱之樂至元廿六年三月十六日以疾卒於官享
年六十有二葬祖塋公資外嚴毅內廓如也孝於事
親忠於爲國出天秉固然治軍旅號令嚴明部伍整
肅臨陣抗敵挺身決戰略無顧惜故每戰有功聲名
烜赫暇則讀書不輟左氏傳通鑑戰國策皆通大義
古人良法美意奇計偉畫涉獵融會多見諸行事方
經略南服母夫人陳氏尚在堂公延心王事不違暇

然遺親之念未嘗置頃刻也一旦心神內動泚流被
面曰豈吾親有故動於彼而應於此邪即請歸觀比
至太夫人喪尚未斂公攀號屢絕痛其終之無所存
活克襄大事鄉里感嘆為平昔孝誠所致夫人郭氏
同縣南王里人溫純恭謹奉事老姑怡順進退不敢
自專年逾四十夫貴子長應對門內事尚以名稱姑
病早暮侍養不少懈倦湯劑必嘗而後進及亡朝夕
廬祭者三週歲宗黨號曰孝婦待妾媵有恩禮略無
嫉妬子一十一人長曰惟義承父爵右翼屯田萬戶
次曰惟謙峽州夷陵尹曰惟明閤門宣贊舍人曰惟
孝惟爵未仕皆郭出也余幼未名女四人俱適望族
元貞建號之二載冬十一月惟義踵門來請曰自惟

無所尚以尚賴先世遺澤嗣守緒業朝夕惴惴愧無
光揚惟是鑽石紀銘表諸神門圖報萬一稔聞翰學
先生學古詞達當代將相家皆有煩於下執事儻得
銘則為不朽矣中統建元余應召中省獲識祭國父
子及提憲河朔即山雞水之間亦嘗延歷載惟疇昔
輒次其件右而繫之以緯銘曰

大夫挺志

無先外事

况乎戰陳

聖所慎愆

不有諸內

孰形於外

攬我秉彝

克作其氣

惟燕南陲

聶宗所系

奮從雲雷

以功名憲

侯不封萬

志焉罔遂

報之後人

福祿何既

桓桓廣威

克昌再世

曉暢戎機

蔡國首器

發蹤指獸

俾展其翼

橫戈長江

斬鱷蒼海

萬竄同心

雅歌奏凱

長驅靜江

指顧摧敗

草切蟲如

肆為民害

玉石既分

善良攸賴

銘鼓歸來

旌旆揚彩

酬功進爵

大蒙天資

高大門闕

鄉閭歎嘅

不知其中

大本有在

子曾言

質而弗礙

篤孝惟移

化而忠義

公於臣子

存沒無愧

巨川騰波

卽峯聳翠

片石干霄

千古光配

六元奉聖州新建永昌觀碑銘并序

奉聖本秦上谷郡地唐始立新州石晉割賂於遼更
 今名亡金陞武定軍節度今雖為州當兩都往來之
 衝其地望尤重於昔雲山環抱川流交貫樹藝茂盛
 有中土清淑之美風俗雄碩樂施而好善蓋燕雲習
 尚氣義而然也據治城東南里許有道觀曰永昌其
 初祖寂然子張志玄隱微世居河東之孟門縣越自
 懸齒歆挹真風從平水景鍊師為全真學既長正一
 法籙亦稱精究貞祐南遷所在依擾聞長春岳應聘
 龍庭師喟然嘆曰天道在北吾將遠遊雲朔庶有遇
 合幸隆道紀至永興之清樂鄉愛其山水幽勝遂結
 郊而居凝神坐忘志趣叵測謁漿之家咸異之曰彼
 其中必有所得豈徒然哉由是風動一方日奉香火

羅拜菴前間有請必恍然開悟廼相與選勝得獨山
中水頭地起建琳宇處師爲上賓榜曰迎仙尊顯之
也師佩上清三洞靈章主盟武定者幾北載前後化
度門人甚衆惟吳張蘆三法師得其要妙而吳在伯
仲爲寂寂然謝世藏觀南化臺吳號通玄子氣白魁
偉志行誠篤体含妙用動達玄機寂然師知爲受道
器常勉之曰汝舉止異常言論卓犖通文辭知醫藥
恐鷲翔鶴翥終非草野間物寂然既終行緣城市人
或叅扣誦答如流有一鉢千家飯渾身百衲衣心如
江月朗情似堊雲飛之句其曾懷洞徹如此加以符
水療疾憶痛隨愈衆驚異以有道目之達官豪右共
來敬禮至有得望其風采而爲幸者闔境尊信法緣

契合遂易以金劉大監別墅爲棲真所中有亭崇臺
層檐爲一境偉觀即改亭爲殿奉三清辟容下逮齋
厨庫廩以次修舉署曰永昌與迎仙爲上下院自是
徒衆雲集檀越之家設醮筵而徼冥福求符藥而濟
灾屯者憧憧而來曾無虛日鍾磬之聲隱然聞市肆
間永昌琳館爲一方名勝道俗歸依之所矣通玄仙
去寧神於永昌之南以後事付上足弟子虞法師師
行業修潔和光同塵心存濟度多蒙藥惠補治遺缺
而觀之規爲始克完具以推擇充玄門道錄虞寂陪
奠師側其徒崔志善踵而增飾之崔沒盧法師以道
錄來住持焉傳之門人李道素道素姿朴實惟恐過
逸前光內則起廢寮舍外則增置田圃朝夕齋戒載

勤頌禱望高羽流擢判管內道門事廼惴惴不遑曰
向上師真剴心勞神披荆榛撥瓦礫鋪敦教基吾輩
何有坐享其安惟是刻石紀行俾見興建本末庶垂
不朽來丐銘予以道不同不相為謀牢讓者再請益
聖乃酌取大方家見於吾儒之紀載者論次而銘之
後世所謂道家者流蓋古隱逸清澹之士矣巖居而
澗飲草衣而水食節欲以清心修己而應物不為軒
裳所羈不為榮利所怵自放於方之外其高情遠韻
凌煙霞而薄雲月誠有不可企及者自漢以降處士
素隱方士誕誇飛昇煉化之術祭醮禳禁之科皆屬
之道家稽之於古事亦多矣徇末以遺其本凌遲至
於宣和極矣弊極則變於是全真之教興焉淵靜以

而
行翕然從之寔繁有徒其特達者各
牖日名其家若寂然師弟弘衍博濟教行山此
是也耕田鑿井自食其力垂慈接物以期善俗不知
誕幻之說為何事敦純朴素有古逸民之遺風焉而
又昇授得人顯揚斯在是可書定安之白雲觀廬法
師建永興之觀張法師建興永昌同一法眷也銘曰
道之大原
玄文五千
慈儉不爭
清靜自然
辟固奮激
至理無邊
修道謂教
由是之焉
全真為學
本乎善淵
返絕還朴
後太古前
究其源委
豈忘蹄筌
寂然出世
私淑其傳
雲翔俗勁
聞善易遷

卷五十八
十一

坐忘感化
克興大緣

孰分後先
絕塵而下

傾心信嚮
復得通玄

化行城府

重闡法筵

一時景仰

道價翩翩

香火奔走

先業昭宣

燕處有室

耕鑿有田

遺我後人

基緒綿綿

門人繼承

持守拳拳

光揚有例

刻銘瑤鑄

流光遺照

何千百年

大元故正議大夫浙西道宣慰使行工部

尚書孫公神道碑銘

雲西風土雄碩龍山峻極為之奠焉渾流交貫神川
清淑資其潤焉故士生其間有瓌奇宏傑之稱而劉

雷為之冠焉然山川炳靈奚間今音况河洛為帝王

之里并汾多攀附之臣儼景風雲依光日月者哉若

乃始以材技有光世緒終則挺輸忠蓋作時名卿安

榮福壽慶流後裔者誰乎故宣慰使工部尚書孫公

其人也公諱公亮字繼明世家渾源橫山里曾祖諱

伯大父諱慶文咸勤力務本不耀其光顯彌諱威為

人跡弛不羈早以功名自意少有巧思肆函人民業

繕治堅密出新意於法度之中方

太祖聖武皇帝經略中夏總攬豪傑貯除戎具為丞

廼挾所業投獻上賞其能應時需賜名也可兀闡

錫佩金符充諸路甲匠總管

太宗朝從征秦晉測民被屠戮屢以蒐簡工匠為言

賴全活者衆顯姓杜氏主內務有綱紀嘗辦雪工徒
質逆之誣因之脫死公生漠北年十許歲總匠君繫
之入覲

太宗異其風骨曰此兒他日必大享用蒙賜御饌自
是得出入禁闈矣及長資英明多藝能慷慨有大志

練習國典通曉譯語所交皆一時豪雋衆亦以通

材許之庚子歲襲父職佩銀符

定宗朝換金符歲進課精例賜錦幣

憲宗特賚貂裘仍勅繼稱父賜名

世祖皇帝在潛邸上命歲輸百鎰有中七矢而不

買者其堅完如此及南征果獲用中統建元授都總

管上北征駐昔沒敦公出私財製甲冑六十襲以

天顏喜甚錫銀笏

命領諸路雜色一

奏

四十妻工之解者

忠結

歲支木糧贍濟不給蜀廩給自此始又考制度定

程式作諸路恒法公自承嗣選材下招亡恤弱出

私財以代公費獲而軍興蒙賞進秩可謂

盡心所事克以人材抱負論之于將補

寶鼎枝車未膺所用有鬱不能自己者至元改

朝廷清明治具畢張公上抗言宜設御史臺肅正

紀綱雖不違有符士論偉之五年憲府肇建特拜監

察御史官忠翊校尉上諭大夫塔察公曰他人則

未之識如也可兀闌朕熟其忠廉宜與汝共事時官

僚極一時選較天多識朝廷故事洞達諸色情狀材

氣足以投赴事機威望可以懾服豪猾在公無以喻
一旦職與志愜思明目張膽鯁言無忌仰答恩遇
是風生白筆氣凌霜簡論列無虛日時宿衛鷹房
待城社頰縱恣在他人弗措手者公優為之如上
時門強奪民物東安州縱馬馳鬪食桑束甚至
伐為薪公痛繩之以法至
畏避
上聞而以
目之
年考滿憲長奏公自供藏無點水私至絕
飲風稜銛利刺督切中稟行無出其右
時選權正為此爾可再任俾矜式新進者既
而察
為外事
還西川行者肩支楮幣二萬餘定
之義為
役兵士治第採薪至被虎
五十仍奏治其罪十

年夏宣授金符武德將軍簽山東東西道提刑按察
司事至則務實用顯效張皇憲度故材庶者必薦茲
貪者必置於法州郡惴惴奉約束惟謹褻惟具瞻有
風動百城之目東平路監尹出貴戚簡重自居監司
官至郡未嘗相覲聞公來按部迎謁境上糾治豪縱
不法者十數輩曾無一語護援及去復伸餞禮博德
高唐耆老賄香於頂來迓曰自立憲司未覩稱職如
公者我輩獲安田里受賜多矣其威望顯著吏民畏
服可知已十二年陞山北遼東道提刑按察副使遼
東境土曠遠諸王營帳泊諸部種人雜處其間恃勢
相凌為申嚴法禁革去宿弊豪強斂迹小民氣得少
伸分司遼陽親王近侍五人劫居民資用且歐擊之

有司不敢究民來訴即械五人徇通衢王諭釋其罪
竟杖決之潦水闊而雜沙石自昔無津樛命造荆絡
貯碎石為柱以成橋做此建者百所自爾瘡右免病
涉之苦十三年進階朝列十四年春陞授中順大夫
彰德路總管分佩金虎符惟相當南北衝會民物繁
夥自昔為河朔名郡然政務煩重視鄰路為蓓莖公
諳練政體材地有餘當平事至集訟牒交至泛應曲
當不失時措之宜平生遇事有為一旦重膺民社廼
究竟利病俾實惠及民以三事躬請於朝其一比歲
霖潦傷稼民多闕食准免逋稅九千七百石其二諸
郡輸迤取道本路徵發車牛越廣平抵順德往還餘
五百里非惟偏倍恐民力不堪蒙以廣平之磁州代

焉其三本路稅粟歲輸大名秦家渡由唐米渡河東
南行百五十里歲晏寒冽車人告病聽於唐宋倉輸
納前政貸民資五百餘定起新附軍營舍至是亦給
公帑邢民李閏六嘗殺人累問弗伏干證餘百人移
公推密廉其實遂伏辜餘得釋時以神明稱終更相
人懷思至琢石頌焉江淞平上諭中書省造作事
重當選能者主之十六年冬授正議大夫浙西道宣
慰使兼行工部事籍入匠四十二萬立局院七十餘
所每歲定造幣縞弓矢甲冑等物十八年上命左
丞相阿剌罕等征日本給辦艤衛戰具繕製堅完都
將以聞上曰也可兀闌豈有誤邪二十年十月來
朝大為上所獎諭賜宴於便殿二十二年授江西

等處行工部尚書上章致仕開居清苑每風憲泊臨
民官來質疑必告以益國便民之方二十四年九月
覲上於朝殿上念世臣之舊問年今幾何居某
廛子孫幾人奏對畢賜食俾坐於御榻之西上遣
大府卿納里忽問曰飲餼飽未復賜鹿羹白酒沾醉
而出大德元年子拱總尹大同奉公與夫人張氏還
鄉里時公及夫人壽俱高日與親友相飲宴鄉人榮
之改渾源西北山曰晝錦有司亦用名鄉四年正月
廿九日以疾薨于私居之正寢享年七十有九遺訓
子孫勉力忠孝少不及私二月十四日歸葬于渾源
州西劉村先塋之次送葬者數千人哭聲聞數里外
蓋平生感懷於人者如此夫人張氏深氏皆出名家

張氏終於四年秋壽八十有四深氏先公沒子三人
拱資誠實材果純孝力學由工部侍郎陞受少中大
夫大同路總管兼府尹本路諸軍與魯總管管內勸
農事撤武略將軍武備寺丞振忠翊校尉定海縣尹
女三長適安平縣尹趙襄次適李氏劉氏孫男四謙
襲世職從仕郎保定等路軍器人匠提舉次早世諧
承真郎利器庫提點誼進義副尉保定等路軍器人
匠提舉孫女三適趙氏王氏次幼曾孫男一獾頭曾
孫女三長適李氏餘幼公儀觀魁偉氣量豁闊美鬚
髯容色莊厲閑習時體譯語聞翻雜以談詭顧國種
貴卿無以易其論列公朝集議僚屬麴正奉公詞情
剴切毫無不假借善為鉤距能得小人根株窟穴似

夫古之能吏才大夫至於奉上忠事親孝交友誠雖位望顯赫循循謙讓退然如無能為者齊家教子敦篤義方循尚禮法又似夫齊魯負行之士生平疾惡由義激中其心休休樂善成美出於天稟粹厚放良臧獲百餘人貸貧民子錢七萬緡宜其三任風憲位正總尹丕張世守官造六卿剛直有守久協士論忠勤無間簡在帝心補壽綿延子孫衆多家門隆盛雖曰依乘亦由平昔操履感召有以致然也可謂材德具備勲名兩全哀榮終始者矣嗣子拱以墓碑來請因憶至元戊辰憲臺初立公與不肖同擢御史引見世祖皇帝於廣寒殿自爾議事松廳聯鑣駉馬義氣交孚相得為甚歡後借官於相追感壬辰應聘北

上復私覲保塞追叙契舊當時並峨豸冠今所存者獨吾二人公又奪去僕雖耄忍無一言邪既叙梗概仍系之銘銘曰

雲龍奮飛西北天

神武載造坤與乾

有來羣后捷戎軒

所在戈甲相周旋

孫侯拔技善達權

賜名訓徒畀任顯

函惟扞格責弗穿

函雖多樣公發源

犀兕七屬光生煙

上為嗟惜賞世延

風雲儷景同翩翩

執藝諫請多活全

臧孫有後理固然

公其挺生鍾世賢

詞興遺緒心彌丹

鯤化躍出天池淵

豸冠執法班朝端

憲綱未舉為進言


太微一夕光星纏
 忠臣憤激同鷹鷂
 上目剛直由孤騫
 地廣物衆牙孽間
 積弊一剷摧邪姦
 煌煌金節臨漳洹
 侯伯正位務固繁
 吏惟寬慢猛則殘
 三事上請民力殫
 橫歛追給公府錢
 江淞平一俗巧儼
 共工汝賢常伯聯

朱衣白簡相後先
 秋風搏擊無空拳
 青齊遼碣海岱連
 繡衣風彩何翩翩
 耻令趙張出吾前
 霜空霽嚴政春妍
 刺裁錯節驚龍泉
 要本實惠蘇民編
 轉輸省便逋賦蠲
 去思有頌德化宣
 訓授程課儒世官
 工局染院勞次銓

歲時供億物利堅
 聖皇眷頤稱忠愍
 功成身退名節完
 作牧鄉郡意所便
 卅期福壽方綿綿
 停雲萋萋橫之巔
 神遊淩斷招來篇
 乘時樹立孰敢有
 鬱鬱紫氣衝斗邊
 英聲並與斯銘傳

一朝上章遽引年
 嗣侯亞卿請外遷
 錦衣榮養白晝鮮
 丘山零落館舍捐
 時有白鹿馴其仟
 自昔豪傑誇雲燕
 千年豐劔埋神川
 何以驗之瑤有鐫

秋澗先生大全文集卷第五十八



秋澗先生大全文集卷第五十九

碑

大元國衛輝路創建三皇廟碑銘有序

衛之廟祀三皇權輿於

國初醫家者流因城隍祠右故壇屋而像之庸申歲時瞻仰之懇然位置迫隘規制卑陋不足以妥靈揭屨爲神明觀府監尹塔伏帖木兒顧其如是蹶然于中私自念言當尊而侈大之心有所在而時則未遑也伏承

登極詔條聖帝明王守吏致祭廟宇傾圯官爲修葺至大德庚子歲夏仲祠部頒降三皇禮秩以春秋二時饗獻蓋宗本醫學拯恤元元也而昔構不稱安能

儼肅禮容光昭祀典哉侯乃咨謀於僚屬曰
明詔所當夤奉民力不可妨奪工匠不可徒役公帑
不敢擅發也當首出俸糈以爲倡率少尹八思麻因
判寮高興仁推官馮瑀相與贊襄下逮屬吏醫師益
士從風皆靡聿來胥宇於是相治城北郭汲署故址
爽朗方術奠故神居經始於是歲冬孟斷手於明年
季夏爲禮殿三巨礎松楠楹奕奕挺昂望雲就日
儼若帝者之所其臺門洎醫學講堂齋室以次修舉
其秋因常裡禮奉安神樓儀物肅備薦獻通暢士民
來觀懽忻贊嘆謀斲石紀績傳示方來持學正邪伯
易事狀以修建碑銘爲請不肖念鄉榆盛事其敢以
衰菴辭夫德高太上者宜垂不朽之名澤及萬世

者當享天下之祀鴻荒肇判爲生民害者多矣三聖
繼作觀象化民創物垂範如畫八卦以通天地之情
造書契而代結繩之政耒耜以資耕耨舟楫而濟不
通衣裳宮室既厚其生棺槨斂葬復恤其死交賄貨
而易有無剋弧矢以威強暴然後民得安居而粒食
優游以卒歲孔子繫易叙太皞神農軒轅氏功德如
此其見於醫家說者謂神農氏一日嘗啗物毒七十
餘種軒岐論難本乎大道而究乎死生之奧故近代
猥爲主祀若以三

聖人開天建極利生民而仁後世者論之特一事尔
在汧流求源雖出於人心之至情而報本反始乃有
國之令典按歷代祀秩曰皇曰帝惟唐嘗置廟京師

餘雖多文定於故都三年一祭而已我
國家掃撓搶以清華夏斷鰲足以立四極還純反朴
崇德尚功三年故都之祀亦嘗舉行迨

聖天子當宁道娘生成仁含動植祗嚴祀祠克作
神主開建醫學德洽好生故有司推廣

睿意俾同通祀致祠廟徧于天下其敬恭之典越至
矣乎伊守土臣奉承唯謹規為有方不傷財不役民
未及閱歲而起百年偉觀事神治人可謂能也已

宜銘銘曰

林林總總

厥初民生

理具畫一

七鑿方萌

軋端坤倪

軒豁露呈

孰措其一

底於和平

聰明惟亶

體用弘

三聖繼作

見天地情

裁成

以逸以寧

躋民仁壽

萬世

德至孰邁

道大難名

功同元化

罔知中行

推原報本

在理攸應

大德之政

恩治幽明

在在通祀

尊隆莫京

惟守土吏

恪於奉承

載敬新廟

闕安聖靈

聖靈在天

與時降升

雲行雨施

品物咸亨

云何事神

而瘠於泯

翼翼禮殿

有儼神庭

民初不預

吏亟經營

維皇降止

庶監嚴誠

風雨時若

歲事屢登

民浸福澤

豈曰更能

謹夫歲月

爰勒斯銘

事神治人

績用昭稱


煌煌麗石

永垂頌聲

表碣

文通先生墓表

先生諱天鐸字振之姓王氏世為衛之汲
 仲祖諱經顯考諱宇姓孟氏由農而士沈于先君蓋
 四世矣其本支德澤與夫出處之大致已鏡諸埋石
 茲不復云惟其心之與學達於政而明夫用之所當
 然者敢發越以昭于外初先君既冠以家學魁多士
 已而嘆曰君子不可以虛拘是足以盡吾學乎且天
 之所畀於我者何如我能克而復之以塞夫所以畀



六考終于家遠近計聞來會哭者踰月如知巴丁郎
中居實石處士德玉單侍講公履烏宣慰貞等垂淚
而言曰天不少假公年俾爲我輩著龜今而後過將
孰寡矣仍以文誄之至有識敏學精是既錫之以重
彼胡奪之以輕逝長川而中流極絕涉遠路而半道
車傾其爲時賢敬惜如此明年戊子春三月改葬于
康公里清水原猊渦之洄曲奉常宋衙教授趙澄郝
翰進士太原劉冲邑大夫李瑞僉曰先生卷德丘園
學貫三極其行與業爲國人所矜式可謂敏學先物
達夫世用者也遂相與據法而謚表其封曰文通先
生之墓夫人永和靳氏進士子玄之孫安陽丞顯思
之女生子二人先卒家府設小子憚忱等服膺嚴訓

獲登仕版粗有立于世識者謂先生之志之學蓋有
驗於後矣是用昭揭神道永示來裔銘曰

政為事樞用乃道與學焉而兩不克是為虛拘融體
用於一源宜大行而窮居其命矣夫若或訓斯世而
迪後壽高名而不渝固云先生之知命胡其銜之不抒

碑陰先友記

曹居一字通甫北燕人有文章善談諧以謨畫佐征

南幕府官負外郎卒

劉祁字京叔渾源人資純粹早以文章擅名有神川

遜士集行于世弟郁以篆隸真行名家終監察御史

牛天祥字國瑞上黨人深天文武經學歷恒山公府

講議官應東諸侯聘客死聊城

孟道字伯達琅邪人性沉毅有機果威儀抑抑以
業顯東海

趙澄字公靖共城人性純古有儒行終衛州教授

司之才字進道淇門人業詞科有聲場屋間性悄直
有口

盧武賢字叔賢燕人資雄峻喜談兵以客卿游諸侯間

王之綱字德柔湯陰人通世務以儒術緣吏事有益

鐵諸論傳相下

邢敏字公達秦人性公直明法令以廉自持用薦授

左司負外郎終大名府判官

李禎字彥祥黎陽人先考同年吏負轉尚書工部掾

性溫粹以善淑稱

釋朗秀廩廷人行精嚴內典外五經子史無不究覽
逮耄期不倦示戒衛之仁化寺

楊果字正卿蒲陰人詞賦第歷劇縣皆有能聲文彩
風流照映一世拜叅知政事終懷孟路總管

董瀛字巨源廉臺人精力有幹局常從王潯南問學
今為淮東按察使

董民譽字端卿陽夏人詞賦第為人渾厚無圭角與
時浮沉常叅預江漢都督府事

劉方字元卿陵川人性清古善歌詩終衛輝路提學
宰沂字魯伯洛陽人才表氣豪抱負奇節嘗與中書

楊維說降西山主帥時人壯之後為王府徵士
張彥字義夫相人性僻直數從事郡府少不合輒望

望弃去

趙鵬字搏霄蒲陰人純粹有耆舊風金詞賦進士用
辟舉令泌陽以廉能稱

石蓋德玉字君賢蓋州人性至孝與人交愷悌篤信
義嘗與友共事惡其不直遂絕而不較

勾龍瀛字英孺河南人性方直在河南有詩聲述姓
譜行於世

烏古論貞字正卿遼東人沉毅果敢用廢任內侍官
得辛北渡後顯仕於去就不屑

周惠字德甫陽州人性慷慨有大志早貴辛樂與賢
士夫遊終江淮都轉運使

王昌齡字顯之滄州人蘊藉有經濟材由叅議史忠

武府知衛州有惠政在民

李瑞字天祥汲人性強果重義急難凜古人風達吏務有調議於先考執弟子禮終身焉仕至潞州判官王贊字子襄登封人性直諒生平游元劉間好詩學劉冲字進之太原人性剛克敦友義嗜學安貧樂道人善事與心會激節感慨有幽并豪傑氣尤長於左氏春秋

馬寅字致遠許州人性雅重嗜古學恬於仕進

丁君實字仲華錦州人用廕以吏起身有廉德北渡後以前代掌故授禮部郎中致仕

馬佐字佐之滄州人金明昌太學生有賦聲

完顏孟陽字和之遼東人用門資起身為部掾北渡

後不仕好古書家藏至千餘卷

沈侃字和卿魏人資端方精律學嚴而嫉惡由憲臺司法調陵州倅致仕

張善淵字機道譙人少為黃冠師性機警有幹局表表為玄門綱

王磐字文炳永年人經義第人品高邁儀範一世文章精極理要臨大節不可奪分為翰林學士承旨

徒單公獲字雲甫遼海人經義第學問該貫善持論世以通儒歸之性純孝樂誨人官至侍講學士

陶諒字信之獲昌人有吏幹歷邑長著能稱

程和字仲美武陟人長管庫材以聚書教子為志竟莫遂而沒哀哉

胡璉字國瑞武安人詞賦第為人慈祥樂易風流偉德度子祇適有俊材光大其先業

朱萬齡字壽之雲夢人生平以道學自負星曆占筮乃其所長

楊弘道字叔能淄川人氣高古不事舉業磊落有大志文章極自得趣有小草集行于世

王信字信之南燕人少為律吏美丰儀嗜酒有氣義李班字晉伯北燕人性介特以品官子補部祿

趙非熊字周鄉安陽人貞祐間嘗以材武選為春官衛率為人姿嚴厚可任以重事

長樂什表

汲郡王氏其先河南陽武縣園亭人避靖康之亂北

渡河至汲樂其風土衍沃遂占籍為長樂御西晉里人今墟落南原纍纍而阜者蓋自肇遷已來丘壠也族衍代深法不可講合率舊蹟兆外特我

曾祖府君以大宗子觀其然而歎曰禮當改卜新什為王氏第二營明靈其舍諸况貴寔在我乎於是擇葬而東得地於第四疇清溝之北自禰而上三世合

群從凡厝者凡餘竈其紹已絕而力弗逮者率棺衾畢具遠近聚觀莫不歎其孝之至仁之厚也及夫歲時墓祭先西後東傳于今而不墜百年來墓栢蔚茂

蒼煙梨雪光動林陌識者謂君子之澤淵流而未央也時則泰和之末大安初年也迨我有元至元十五年戊寅不肖孫憚由翰林待制授朝列大夫充河北

河南道提刑按察副使明年春三月按部而南過家
上塚首從二墳以封以饗其東仵則繚以短垣周若
干步武復欲發達幽光慨焉莫究訪耆舊則高年俱
盡考世德則旌紀寂寥因念天下之物未有無本而
立捨祖而豐麗者也然遠則疏疏則不親不親則涂
人此世俗之常情也今王氏二百載間丘墓移置者
三始焉西晉里再卜白楊墮分白楊而祖西河鄉勢
固有當然者彼子孫浸遠吾豈敢必其不源委泮渙
枝葉扶疏者哉惟其泝流尋源推求求本明夫當然
之理固不得親其親而豐乎昵者矣後之來者能以
吾言世守而不易雖百世可親也而我
祖建遷之義是不可不表見于後曾祖諱經字伯常

讀書不仕以仁厚比一鄉衛人至今以長者稱云銘曰

族萃蕃

理則遷

尊而祖

獲所安

論本根

不易存

祭先河

祖所遵

致時祀

首遠墳

取此法

裕後昆

繫我曹

寔古人

仁之厚

孝之純

西晉里

長樂原

億墓栢

鑽蒼煙

鬱相望

見嬋嫣

孰不曰

王氏仵

銘貞石

表先德

陵谷遷

庶可識

管勾推公墓碣銘

公諱德字濟之姓推氏其先相州隆慮人宋季有起
身刀筆至州錄事參軍者以政尚嚴明不畏強禦名
大父暨兄金初避仇徙家衛之共城伯祖以材補縣

吏不幸借蚤世考復字永亨時在襁褓母李氏饋不
再提之邑醫杜氏及長就傳其術遂以良醫稱公少穎
異能紹其家學軒岐雷扁已來書浩博不易究悉研
窮機要所得為甚多正大丁亥以方瘍兩科中選由
醫工補省司管旬公有蘊藉以德將藝為上官推重
生平志存濟物故其診治疾證未嘗以貧富易心理
或未安歸若芒刺在背慙不敢着席初貞祐大兵後
比屋疫作與考謀曰今困厄如是我寔司命可坐視
不揅遂大措湯劑歷飲閭里間其乏粥瀆者復以米
遺之全活甚衆天興初盜起西山約衆東走汴中涂
遇劫賊熟眠為公遽放仗前謝曰推君父子歸以藥
惠脫我輩命忍以非義加諸餘亦獲免壬辰秋歸隱

蘇嶺老者尊其德病者賴以安而少者訪其學然神
膏傳瘍靈丸起廢鑿家者流正有定法而僻隱贅異
等疾在方伎所無者公率能望知意料而決翕忽死
生之變如程氏子得腹痛疾以食毒治而苦愈亟謁
公狀聞曰此臍疽也已無及矣程不應公曰後三日
當有腐血下而絕及期果然晚節耽詭史籍酣適醪
醴浮沉得喪一寓情栢杓間或勸焉吾方陶然遊太
和之鄉君可去母歟竟以飲致疾終享年七十有二
配棄氏鄉進士彥周之女壺儀母道有承平故家風
範生女子三人長適司候張顯仲女鉅家李氏李歸
王某後公五年卒壽八秩置顯等合葬古郭里栢門
山南原殿士栢君瑩西南隅實至元二年二月四日

也後十五年春憚按部南下躬奠墓次泫然興感縱
羊曇之淚下露襟時思罔替終伯道之自遺伊感為
恨何如惟是鑽石紀銘昭告下泉庶幾少有慰焉推
為氏歷考姓書不見惟潛夫論載餘推氏出楚之羊
姓公豈其苗裔乎銘曰

軒岐有書

是為內經

洞達病機

惟明克能

於惟我公

天稟粹靈

靈丸起廢

神膏續脈

不主故常

以意智行

推本所自

其源淵渟

藝精多挾

度貨可居

高下其手

類夫吏胥

繫公契心

德度愉愉

拯溺拯焚

已焉是圖

相彼陽施

宜嗣厥後

本支顛兀

理莫可究

纍纍堂封

栢山南原

刻銘表公

以慰下泉

雖高深兮易位

尚知為鄉先生推氏之什

故將仕郎潞州襄垣縣尹李公墓碣銘

世有風誼之士粹出天稟不俟激仰鵠鄉曲之譽稱
於士大夫間者李公其人也公諱瑞字天祥其先潞
州上黨人系出唐昭武公抱王之裔五代李遠祖以
官家衛公為人慷慨有機警長身銳目騁模糊蝟磔
酒酣吐氣抵掌談話而英姿颯爽之餘猶隱然溢眉
睫間少為縣吏錄錄無所見正大間恒山公僊提孤
軍宿汲連九公聲援君時給事莫府叅軍李仲愛其

武幹委以赤白囊事公感其知遇晝則荷戈捍侮于
外夕則抱牘上軍務于府殊赴赴然及宜津撤守跳
大梁既而京城疫作縱飢民出公倡率流播救死扶
羸歸那延撒吉似悉編為氓者千七百餘口逮乙未
春家府一見喜曰此跡弛士也教之當有用遂確夫
攜厲日致其詳謹焉州召為吏主掾數不胥去壬子
秋詔以衛六縣為丞相忠武公采地參卿王公乘
主州治舉能理劇署之典津領聽其指縱躍如也巨
細之務釐補肅叙効其用君多俄薦授錄事參軍兼
汲邑長將順村宿至有惠愛至元三年總尹陳公以
材辟府從事六年積前後勞赤牒授潞州判官樓運下
位德及民為艱故寬簡持大體謙讓睦僚友聽共佐

理中多裨益了不露已出至上敬下安惟恐秩竟而
去之遽也九年夏予調官晉府過家上冢那飲水濱
話平生甚悉翼日雞一鳴送予遠郊外泣且言曰吾
老矣不能為升斗祿走形勢途弟相見期邈未知復
無恙否遂哽噎訣去予亦歔歔久之且訝其遽如許
也其秋以計來告嗚呼哀哉公事家府執弟子禮三
十年始終如一日一別終天葬弗逮送吊不及哀銘
誄未彰有恨何如嗣子震既隴石墓道百拜來請銘
曰無庸固所願也公姿孝悌意賓客賑窮繼乏雖脫
驂指困略無難色至於排難解紛不自顧藉猶焚溺
之在已復能通下情知疾苦媁媁款款老安少懷與
人接無貴賤禮夷故牛童馬走盡得其懽心晚節備

嘗世故小心儉畏以省事為樂有訟來質成公温言
理喻曰緩急人時有也其忍以小忿興怨可退思自
省既而偕謝曰公長者過不敢復聞又善營構事不
為巧飾要以敦鞏延百載上如衛之泮宮潞之儲廩
是也初農民發野塚市甕下令禁焉暴委之患遂絕
士人牛國瑞聞公義託妻子東遊客死聊城為經紀
其家又石其氏者坐事累絀不易辨明索之急投公
匿焉竟賴以脫里有喪率匍匐救視孔懷之情踰於
兄弟至貧不能舉者棺衾坎壈楸之物必具葬乃
已其周急趨難甚於己私類若此終飲德不伐閑居
灌鑿樹藝麕衣糲食與老農老圃為伍殆將終身焉
噫衰俗頽波中矯矯然有古義士風出則智効於官

處則行比一鄉可謂不亢者矣士方以壽祉期公一
旦暴殞不及中壽為感其氣盛亟棄物剛易折推原
本自理或實然然觀義之所在有不亡者存焉異時
有帶劔喬林讀予文而興起者未必不拜酌公墳俾
配食於縣社也公仕至將仕郎潞州襄垣縣尹命已
下卒春秋六十有四實九年壬申七月十九日也配張
民先卒女二人長曰阿醜女甥魏玠次未罕皆繼公沒
嗣子震實主其喪葬汲縣唐津里清水之南源銘曰

太史著書

游俠與侔

不執正理

匪暴豪邪

行而宜之

義莫有加

李公之先

奮跡將家

餘烈有光

流而義華

故俠焉負巨先之氣

行焉佩仲由之緼

家府與訓

化而柔嘉

據理施惠

如有等差

趨人之難

甚於已私

孤不自存

我衣食之

貧不喪舉

我棺窆之

野塚累累

公助半之

夷考其行

匪義則那

以之莅官

敏而外和

絲芬我理

瘡痍我摩

方百里之命下

俄春者之不歌

心則回單

其如命何

念公平生

涕泗滂沱

番番良聲

公榮寔多

泉流西東

太行峨嵋

我銘刻石

等與不磨

秋澗先生大全文集卷第五十九

